

Қамқоршылық кеңестің 2014
жылғы 30 наурыздағы № 14
шешіміне сәйкес титул бетіне
өзгеріс енгізілді
(ескі ред.қара)

«Назарбаев Университеті»
дербес білім беру ұйымы
Қамқоршылық кеңесінің
2011 жылғы 10 желтоқсандағы
№3 хаттамасымен
бекітілген

**ТАУАРЛАРДЫ, ЖҰМЫСТАРДЫ, ҚЫЗМЕТТЕРДІ САТЫП АЛУ
ЕРЕЖЕСІ**

(2014.03.30. берілген өзгерістер мен толықтыруларымен)



1. Жалпы ережелер

1. Осы Тауарларды, жұмыстарды, қызметтерді сатып алу ережесі (бұдан әрі – Ереже) «Назарбаев Университеті», «Назарбаев Зияткерлік мектептері» және «Назарбаев Қоры» мәртебесі туралы» Қазақстан Республикасы Заңының 6-бабы 5-тармағының 3) тармақшасына сәйкес әзірленген және қордың ұйымдастыру құқықтық нысанындағы коммерциялық емес ұйымдарынан басқа, «Назарбаев Университеті» дербес білім беру ұйымы мен оның ұйымдарының тауарларды, жұмыстарды, қызметтерді сатып алу рәсімдерін жүзеге асыру тәртібін айқындайды.

2. Ережеде пайдаланылатын негізгі терминдер мен ұғымдар:

әлеуетті өнім берушінің аффилирленген тұлғасы – әлеуетті өнім беруші қабылдайтын шешімді анықтауға және/немесе шешімге, оның ішінде жазбаша нысанда жасалған мәміленің күшіне қарай ықпал етуге құқығы бар кез келген жеке немесе заңды тұлға, сондай-ақ өзі жөнінде сол ықтимал өнім берушінің осындай құқығы бар кез келген жеке немесе заңды тұлға.

сатып алу туралы шарт – Қағидаға, сондай-ақ Қазақстан Республикасының заңнамасына сәйкес тапсырыс беруші мен өнім беруші арасында жасалған азаматтық-құқықтық шарт;

Тармақ Қамқоршылық кеңестің 2012 жылғы 12 қарашадағы № 7 шешіміне сәйкес төртінші абзацпен толықтырылды

«Назарбаев Университеті» ұйымының еншілес ұйымдары - «Назарбаев Университеті» ұйымы құратын коммерциялық емес ұйым, дауыс беретін акцияларының (жарғылық капиталға қатысу үлесінің) елу және одан астам пайызы «Назарбаев Университеті» ұйымына меншік немесе сенімгерлік басқару құқығында тиесілі басқа заңды тұлға;

тапсырыс берушілер – «Назарбаев Университеті» дербес білім беру ұйымы және қордың ұйымдастыру құқықтық нысанындағы коммерциялық емес ұйымдарынан басқа, оның ұйымдары;

бесінші абзацқа Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. кара)

сатып алу – Қазақстан Республикасының азаматтық заңнамасына сәйкес жүзеге асырылатын келесі тауарларды, жұмыстарды, қызметтерді сатып алуды:

еңбек шарттары бойынша жеке тұлғаларда немесе ақылы қызметтерді көрсету шарттары бойынша кәсіпкерлік қызмет субъектілері болып табылмайтын жеке тұлғаларда жүзеге асырылатын қызметтерді сатып алуды;

жарналарды (үлестерді), оның ішінде жаңадан құрылатын заңды тұлғалардың жарғылық капиталына үлестерді енгізуді;

құнды қағаздарды, заңды тұлғалардың жарғылық капиталында үлестерді сатып алуды;

Қазақстан Республикасының Ұлттық Банкі, Қазақстан Республикасының заңнамасына сәйкес алынған лицензиялар негізінде банктік операциялардың жекелеген түрлерін жүзеге асыратын банктер мен ұйымдар жүзеге асыратын банктік операцияларды жүргізуге байланысты қаржы қызметтерін сатып алуды;

іссапар шығыстарын өтеуді;

басқару органдары мен бақылау кеңесінің мүшелеріне сыйақылар және/немесе шығыстар өтемақыларын төлеуді;

өкілдік шығыстарға байланысты тауарларды, қызметтерді сатып алуды;

Жоғары қамқоршылық кеңестің, Қамқоршылық кеңестің, Директорлар кеңесінің, Ғылыми және Бақылау кеңестерінің қызметтерін қамтамасыз ету үшін тауарларды, жұмыстарды, қызметтерді сатып алуды;

он бесінші абзац Қамқоршылық кеңестің 2014 жылғы 30 наурыздағы № 14 шешіміне сәйкес мына редакцияда мазмұндалады (ескі ред. қара)

пациенттің өміріне қауіпті жою үшін дәрілік заттарды, медициналық мақсаттағы бұйымдарды сатып алуды;

демеушілік көмек және/немесе қайырымдылық көмек қаражаты есебінен жүзеге асырылатын тауарларды, жұмыстарды, қызметтерді сатып алуды;

тапсырыс берушінің жарғылық қызметіне сәйкес гранттар беруден, грант ақшаларын пайдалануға байланысты тауарларды, жұмыстарды, қызметтерді сатып алуды;

тапсырыс берушінің жарғылық қызметіне сәйкес халықаралық аккредиттеу және/немесе сертификаттау бойынша қызметтерді сатып алуды;

он сегізінші абзац Қамқоршылық кеңестің 2012 жылғы 12 қарашадағы № 7 шешіміне сәйкес мына редакцияда мазмұндалады (ескі ред. қара)

тапсырыс берушінің негізгі қызметіне байланысты шетелдік онлайн ресурстар арқылы 10 000 (он мың) АҚШ доллары баламасынан аспайтын сомаға тауарларды, қызметтерді сатып алудан, оның ішінде тапсырыс берушінің ішкі құжатына сәйкес төлем карточкасы арқылы төлем жүргізуді;

оларды жасау сәтінде орындалатын мәмілелер бойынша қосылған құн салығын есепке алмай, тиісті қаржы жылына республикалық бюджет туралы заңмен белгіленген айлық есептік көрсеткіштің 100 (жүз еселік) көлемінен артық емес құнды тауарларды, қызметтерді сатып алуды;

Қазақстан Республикасының заңнамасымен, басқа елдер заңнамаларымен белгіленген бағалар, нормалар, лимиттер, тарифтер, алымдар мен төлемдер бойынша тауарларды, жұмыстарды, қызметтерді сатып алуды;

жыырма екінші абзац Қамқоршылық кеңестің 2014 жылғы 30 наурыздағы № 14 шешіміне сәйкес мына редакцияда мазмұндалады (ескі ред. қара)

көрмелерге, семинарларға, конференцияларға, кеңестерге, форумдарға, симпозиумдарға, тренингтерге, тағылымдамаларға, мастер-кластарға, оның ішінде виртуалды режимде қатысқаны үшін, сондай-ақ көрсетілген іс-шараларды ұйымдастыруға қатысу және/немесе жүргізу бойынша тауарларды, жұмыстарды, қызметтерді сатып алғаны үшін төлем енгізуді;

мерзімді басылымдарға жазылуды қоса, қағаз және/немесе электрондық жеткізгіштердегі мерзімді баспа басылымдарын сатып алуды;

шетел және отандық бұқаралық ақпарат құралдарында ақпарат орналастыру қызметтерін сатып алуды;

жыырма бесінші абзац Қамқоршылық кеңестің 2014 жылғы 30 наурыздағы № 14 шешіміне сәйкес мына редакцияда мазмұндалады (ескі ред. қара)

қызметкерлерді даярлау, қайта даярлау және біліктілігін арттыру,

оның ішінде шетелде, сондай-ақ емтихан тапсыру бойынша қызметтерді сатып алуды;

төрелік сотта дауды шешуге байланысты төрелік алымдарды, шығыстарды төлеуді;

әуе, темір жол, өзен, теңіз және автобус жол құжаттарын (билеттерін) броньдау, ресімдеу және сату қызметтерін сатып алуды;

кеден өкілдіктерінің қызметтерін сатып алудан, уақытша сақтау қоймаларының (УСК) алымдары мен басқа төлемдерін төлеуді;

отандық және шетел баспа басылымдарында мақалалар жариялауды;

Қазақстан Республикасының сауда-өнеркәсіп палаталарының қызметтерін сатып алуды;

Қамқоршылық кеңестің 2012 жылғы 12 қарашадағы № 7 шешіміне сәйкес тармақ он үшінші-отыз үшінші абзацтармен толықтырылды

ғылыми өтінімдерге, жобаларға, есептерге халықаралық сараптама жүргізу бойынша қызметтерді сатып алуды;

патент, зияткерлік меншікті қорғау бойынша іс-шараларды ұйымдастыру және халықаралық шарттарға сәйкес баж бен өзге де шығыстарға төлем жүргізу қызметтерін сатып алуды;

тапсырыс берушінің талаптарына сәйкес мамандандырылған ұйымдардан ғылыми және/немесе зерттеу жабдықтарды жөндеу қызметін сатып алуды;

лицензиялық бағдарламалық қамтамасыз етуді және/немесе тапсырыс берушінің негізгі қызметіне байланысты ақпараттық сервистерге рұқсат беру қызметін бағдарламалық қамтамасыз етуді шығарушыдан немесе жоғарыда аталған тауарлардың, қызметтердің авторланған өнім берушісінен сатып алуды қоспағанда, Ережеде белгіленген тәртіппен жүзеге асырылатын, тапсырыс берушінің жұмыс істеуін немесе жарғылық қызметін орындауын қамтамасыз ету үшін қажетті тауарларды, жұмыстарды, қызметтерді тапсырыс берушінің ақылы негізде сатып алуды;

отыз бесінші, отыз алтыншы және отыз жетінші абзацтар Қамқоршылық кеңестің 2014 жылғы 30 наурыздағы № 14 шешіміне сәйкес мына редакцияда мазмұндалады (ескі ред. қара)

кешенді жұмыстар – құрылыс жобаларын іске асыруға, оның ішінде жобалау жұмыстарын басқаруға бағытталған жұмыстар мен қызметтердің жиыны;

консорциум – заңды тұлғалар сол немесе басқа ресурстарды біріктіретін және нақты шаруашылық міндеттерді шешу үшін күштерді үйлестіретін, бірлескен шаруашылық қызмет туралы шарт негізіндегі уақытша ерікті тең құқықты одақ (бірлестік);

біртекті тауарлар, жұмыстар, көрсетілетін қызметтер – бірдей болмаса да, белгілі бір функцияларды орындауына және өзара алмастырушы болуына мүмкіндік беретін ұқсас сипаттамалары бар және ұқсас компоненттерден тұратын тауарлар, жұмыстар, қызметтер;

сатып алуды ұйымдастырушы – сатып алуды ұйымдастыру және өткізу рәсімдерін орындауға жауапты, өзінің құрылымдық бөлімшесі тұлғасында тапсырыс беруші немесе сатып алуды ұйымдастыру және өткізу рәсімдерін орындау мақсатында анықталған заңды тұлға;

отыз алтыншы абзацқа Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. кара)

«Назарбаев Университеті» ұйымдары – қордың ұйымдастыру құқықтық нысанындағы коммерциялық емес ұйымдарынан басқа, «Назарбаев Университеті» құратын коммерциялық емес ұйымдар, дауыс беретін акцияларының (жарғылық капиталға қатысу үлестерінің) елу және одан көп пайызы меншік немесе сенімгерлік басқару құқығымен «Назарбаев Университетіне» тиесілі басқа да заңды тұлғалар, сондай-ақ олардың еншілес ұйымдары;

«Назарбаев Университеті» белгіленген тәртіппен бекіткен сенімсіз әлеуетті өнім берушілердің (өнім берушілердің) тізбесі – мыналар:

тендер нәтижесіне әсер ететін тендерлік құжаттамамен көзделген талаптар бойынша дұрыс емес ақпарат берген;

сатып алу жеңімпазы деп танылған жағдайда сатып алу туралы шарт жасасудан бас тартқан;

қырықыншы абзацқа Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. кара)

сатып алу туралы шартты жасасқан, тендерлік құжаттамамен белгіленген талапты, сатып алу туралы шартты орындауды қамтамасыз етуді енгізу және/немесе енгізу мерзімдері және/немесе алдын ала төлем/аванс сомасы туралы шартты орындамаған не уақтылы орындамаған;

олармен жасалған сатып алу туралы шарттар бойынша өз міндеттемелерін орындамаған не толық орындамаған тұлғалар туралы жүйелі мәліметтер;

әлеуетті өнім беруші – кәсіпкерлік қызметті жүзеге асыратын жеке тұлға, заңды тұлға (егер Қазақстан Республикасының заңдарымен олар үшін өзге белгіленбесе, мемлекеттік мекемелерден басқа), сатып алу туралы шарт жасасуға үміткер консорциум;

өнім беруші – кәсіпкерлік қызметті жүзеге асыратын жеке тұлға, заңды тұлға (егер Қазақстан Республикасының заңдарымен олар үшін өзге белгіленбесе, мемлекеттік мекемелерден басқа), онымен жасалған сатып алу туралы шартта контрагент ретінде әрекет ететін консорциум;

жұмыстар – Қазақстан Республикасының заңнамасына сәйкес жұмысқа жатқызылған, заттық нәтижесі бар қызмет;

резиденттер – Қазақстан Республикасының резиденттері – шетел мемлекетінде тұрақты тұру құқығына сол мемлекеттің заңнамасына сәйкес берілген құжаты бар азаматтарды қоспағанда, Қазақстан Республикасының азаматтары, оның ішінде шетелде уақытша жүрген немесе оның шегінен тыс жерлерде мемлекеттік қызметте жүрген азаматтар;

Қазақстан Республикасында тұрақты тұру құқығына арналған құжаты бар шетелдіктер мен азаматтығы жоқ тұлғалар;

Қазақстан Республикасының заңнамасына сәйкес оның аумағында орналасуымен барлық заңды тұлғалар, сондай-ақ Қазақстан Республикасында және оның шегінен тыс орналасуымен олардың филиалдары мен өкілеттіктері;

Қазақстан Республикасының шегінен тыс орналасқан дипломатиялық,

сауда және басқа ресми өкілдіктер;

тендерлік құжаттама – әлеуетті өнім берушіге тендерге қатысуға өтінім дайындау үшін берілетін және тендер өткізу шарттары мен тәртіптері туралы мәліметтерден тұратын құжаттама;

тендерлік комиссия – тендер тәсілімен сатып алуды өткізу рәсімін орындау үшін құрылатын алқалық орган;

тауарлар – нәрселер (заттар), оның ішінде жартылай фабрикаттар немесе қатты, сұйық немесе газ тәріздес күйдегі шикізат, электр және жылу энергиясы, шығармашылық зияткерлік қызметтің объектіленген нәтижелері, сондай-ақ Қазақстан Республикасының заңдарына сәйкес сатып алу-сату мәмілелерін жасасуға болатын заттық құқықтар;

57- абзацқа Қамқоршылық кеңестің 2013 жылғы 26 шілдедегі № 11 шешіміне сәйкес өзгерістер енгізілді (ескі ред. қараңыз)

стратегиялық әріптестер – «Назарбаев Университеті» Қамқоршылық кеңесі*, Басқарушы кеңесі немесе басқа да құзыретті органы белгілеген және қызметін бір немесе бірнеше мынадай салаларда жүзеге асыратын тұлғалар:

ғылыми-зерттеу;

білім беру саласына заманауи әдіснамалар мен технологияларды енгізу;

білім беру бағдарламаларын әзірлеу және енгізу;

білім беру қызметінің сапасын бақылау мен бағалау аспаптарын әзірлеу мен енгізу;

оқу, ғылыми, ғылыми-техникалық процесті, сондай-ақ медициналық қызметті қамтамасыз ететін жабдықтарды әзірлеу және өндіру;

сәулет, қала құрылысы және құрылыс қызметі саласындағы да қызметін жүзеге асыратын бір немесе бірнеше тұлғалар;

Тармақ Қамқоршылық кеңестің 2012 жылғы 12 қарашадағы № 7 шешіміне сәйкес елу тоғызыншы абзацпен толықтырылды

сондай-ақ «Назарбаев Университеті» дербес білім беру ұйымына қайта құрылғанға дейін «Назарбаев Университетінің» басқару органдарымен белгіленген тұлғалар;

сатып алу мәселелері бойынша уәкілетті орган - «Назарбаев Университеті» құрылымдық бөлімшесі;

қызметтер – тапсырыс берушінің қажеттіліктерін қанағаттандыруға бағытталған, заттық нәтижесі жоқ қызмет;

«Назарбаев Университеті» - «Назарбаев Университеті» дербес білім беру ұйымы;

сараптама комиссиясы – сатып алынатын тауарлардың, жұмыстардың, көрсетілетін қызметтердің техникалық ерекшелігін (техникалық тапсырмасын) әзірлеуге қатысу және/немесе әлеуетті өнім берушілер ұсыныстарының сатып алынатын тауарлардың, жұмыстардың, көрсетілетін қызметтердің техникалық ерекшеліктеріне сәйкестігіне қатысты сараптама қорытынды әзірлеу үшін құрылатын алқалық орган;

сарапшы – сатып алынатын тауарлардың, жұмыстардың, көрсетілетін қызметтердің техникалық ерекшелігін (техникалық тапсырмасын) әзірлеуге қатысу және/немесе әлеуетті өнім берушілер ұсыныстарының сатып алынатын тауарлардың, жұмыстардың, көрсетілетін қызметтердің техникалық ерекшеліктеріне сәйкестігіне қатысты сараптама қорытынды әзірлеу үшін

тартылатын жеке тұлға;

электрондық сатып алу – ақпараттық жүйелер мен электрондық ақпараттық ресурстарды пайдаланып жүзеге асырылатын сатып алу.

*«Назарбаев Университеті» жарғысын жаңа редакцияда мемлекеттік тіркегенге дейін (2013 жылғы 23 мамырдан бастап)

3. Ереже мына қағидаттарға негізделеді:

1) әлеуетті өнім берушілерге мемлекеттік сатып алуды өткізу рәсіміне қатысу үшін теңдей мүмкіндік беру;

2) әлеуетті өнім берушілер арасындағы адал бәсекелестік;

3) сатып алу процесінің жариялығы мен ашықтығы;

4) қабылданатын шешімдер үшін бақылау мен жауаптылық;

5) сатып алу үшін пайдаланылатын ақша қаражатын оңтайлы және тиімді жұмсау.

4. Сатып алу процесі:

1) сатып алу жоспарын әзірлеуді және бекітуді;

2) өнім берушіні таңдауды;

3) сатып алу туралы шартты бекітуді және орындауды қамтиды.

5. Тапсырыс беруші әзірлеген сатып алу саласындағы ішкі құжаттар осы Ережеге қайшы келмеуі тиіс.

6. Сатып алуға қатысу үшін әлеуетті өнім беруші құқық қабілеттілігіне (заңды тұлғалар үшін), азаматтық іс-әрекетке қабілеттілігіне (жеке тұлғалар үшін) ие болуы тиіс.

7) тармаққа Қамқоршылық кеңестің 2014 жылғы 30 наурыздағы № 14 шешіміне сәйкес өзгерістер енгізілді (ескі ред. қара)

7. Тапсырыс беруші тапсырыс берушінің бірінші басшысы немесе өзге де уәкілетті тұлғасы шешімінің негізінде мына:

1) бекітілген сатып алу жоспарында (сатып алулардың нақтыланған жоспарында) көзделген тауарларды, жұмыстарды, көрсетілетін қызметтерді сатып алуға арналған шығыстар қысқартылған;

2) тапсырыс берушінің даму жоспарына және/немесе бюджетіне (бизнес жоспарына, кірістер мен шығыстар сметасына және т.б.) (бұдан әрі – Бюджет) бекітілген сатып алу жоспарында (нақтыланған сатып алу жоспарында) көзделген тауарларды, жұмыстарды, қызметтерді сатып алу қажеттігін жоққа шығаратын өзгерістер енгізілген жағдайларда сатып алудың кез келген кезеңінде сатып алуды жүзеге асырудан бас тартуға құқылы;

8. Тапсырыс беруші сатып алуды жүзеге асырудан бас тарту туралы шешім қабылдаған күннен бастап:

1) 3 (үш) жұмыс күні ішінде тиісті шешімді тапсырыс берушінің интернет-ресурсында орналастыру жолымен өткізілетін сатып алуға қатысатын тұлғаларды хабардар етуге;

2) 5 (бес) жұмыс күні ішінде тендерге қатысуға енгізілген өтінімдерді қамтамасыз етуді және/немесе сатып алу туралы шарттың орындалуын қамтамасыз етуді және/немесе алдын ала төлем/аванс сомасына сатып алу туралы шарттың орындалуын қамтамасыз етуді (егер сатып алу шарттарымен осындай қамтамасыз ету көзделген жағдайда) қайтаруға міндетті.

2. Сатып алуды жоспарлау

Тармақ Қамқоршылық кеңестің 2012 жылғы 12 қарашадағы № 7 шешіміне сәйкес мына редакцияда мазмұндалады (ескі ред. қара)

9. Тауарларды, жұмыстар мен қызметтерді сатып алу бекітілген немесе нақтыланған сатып алу жоспарының негізінде тапсырыс берушімен жүзеге асырылады.

10. Тапсырыс беруші 15 (он бес) жұмыс күні ішінде бекітілген Бюджетке сәйкес, функционалдық міндеттеріне экономикалық жоспарлау мен талдау мәселелері кіретін тапсырыс берушінің жауапты бөлімшесінен (бұдан әрі – бөлімше) алынған ақпараттың негізінде сатып алу жоспарын әзірлейді, бекітеді және интернет-ресурста орналастырады.

11) тармақ Ереже Қамқоршылық кеңестің 2014 жылғы 30 наурыздағы № 14 шешіміне сәйкес алтыншы абзацпен толықтырылды

11. Сатып алу жоспары мыналарды қамтуы тиіс:

- 1) тауарлардың, жұмыстардың, көрсетілетін қызметтердің атауы;
- 2) сатып алуды жүзеге асыру тәсілі;
- 3) өнім берушіні таңдауды және онымен сатып алу туралы шарт жасасуды регламенттейтін осы Ереженің нормаларын қолданбай жүзеге асырылатын сатып алу;
- 4) тауарларды жеткізу, жұмыстарды орындау, қызметтерді көрсету мерзімдері мен орны және тапсырыс берушінің қалауы бойынша басқа мәліметтер.

Сатып алу жоспарында Ережелердің 15-тармағының 14), 26), 32), 42) тармақшаларына және 16-тармақтың 7) тармақшасына сәйкес жүзеге асырылатын сатып алу бойынша мәліметтер көрсетілмейді.

12. Бекітілген сатып алу жоспарында көзделмеген тауарларды, жұмыстарды, қызметтерді сатып алуға рұқсат етілмейді.

13. Тапсырыс беруші Бюджет және сатып алу жоспарын бекіткенге дейін тауарлардың, жұмыстар мен қызметтердің өнім берушісін таңдауға қатысты сатып алу рәсімдерін жүзеге асыра алады, бұл ретте Бюджетті және тауарларды, жұмыстарды, қызметтерді сатып алу жоспарын бекіту осы өнім берушімен сатып алу туралы шартты жасасу талаптары болуы тиіс.

14. Тапсырыс беруші бекітілген сатып алу жоспарына өзгерістерді және/немесе толықтыруларды енгізуге құқылы.

Тапсырыс беруші сатып алу жоспарына өзгерістер және/немесе толықтырулар енгізу туралы шешім қабылдаған күннен бастап 5 (бес) жұмыс күні ішінде интернет-ресурста тиісті өзгерістер және/немесе толықтыруларды көрсетіп, нақтыланған сатып алу жоспарын орналастыруға міндетті.

3. Осы Ереженің өнім берушіні таңдауды және онымен сатып алу туралы шарт жасасуды регламенттейтін нормаларын қолданбай жүзеге асырылатын сатып алу

15. Осы Ереженің өнім берушіні таңдауды және онымен сатып алу туралы шарт жасасуды регламенттейтін нормалары қолданылмай сатып алу мынадай жағдайларда жүзеге асырылады:

1) тапсырыс берушінің көрмелер, оқу, семинарлар, конференциялар, жиналыстар, форумдар, симпозиумдар, тренингтер ұйымдастыруы үшін тамақтану, ілеспе аударма, үй-жайларды жалға алу, техникалық жарақтандыру қызметтерін сатып алу;

2) әртүрлі магниттік жеткізгіштерде және/немесе электрондық жеткізгіштерде басылған дыбыстандырылған кітаптарды, көзі көрмейтін мүгедектерге қызмет көрсету үшін рельефтік-нүктелік шрифтімен, тифлоқұралмен басылған кітаптарды, интернет-ресурстарда орналастырылған ақпараттарды ұсыну жөніндегі көрсетілетін қызметтерді сатып алу;

3) тестілік аккредиттеу желісін қоса алғанда, халықаралық аккредиттеу және/немесе сертификаттауға дайындық бойынша қызметтерді сатып алу;

4) рейтингілік агенттіктер көрсететін қызметтерді, қаржылық қызметтерді сатып алу;

5) шетелдік және/немесе отандық ғылыми, көпшілікке арналған және/немесе мамандандырылған кітапханалардың қызметтерін сатып алу;

6) мемлекет тапсырмасын немесе мемлекеттік тапсырысты орындау шеңберінде тауарларды, жұмыстарды, көрсетілетін қызметтерді сатып алу;

7) Қамқоршылық кеңестің 2012 жылғы 12 қарашадағы № 7 шешіміне сәйкес алынып тасталды (ескі ред. қара)

8) Қазақстан Республикасы азаматтарын шетелде емдеу, сондай-ақ оларды тасымалдау және олармен бірге жүру жөніндегі көрсетілетін қызметтерді сатып алу;

9) сатып алынатын тауарларға, көрсетілетін қызметтерге қатысты ерекше құқықтары бар тұлғадан зияткерлік меншік объектілері болып табылатын тауарларды, көрсетілетін қызметтерді сатып алу;

10) тауарлар, жұмыстар, қызметтер сатып алынатын белгілі бір нарықта үстем (монополиялық) жағдайға ие, осындай нарықта үлесі 100 (жүз) процентке тең болатын тұлғадан не нарық субъектісінен олардың қызметінің негізгі нысанасы бойынша тауарларды, жұмыстарды, көрсетілетін қызметтерді сатып алу;

11) төтенше жағдайлар салдарларын оқшаулау және/немесе жою үшін, электр энергетикасы объектілеріндегі, тіршілікті қамтамасыз ететін коммуникациялық жүйелердегі және өзге де қауіпті өндірістік объектілердегі аварияларды жою үшін, сондай-ақ коммуникациялардың, тетіктердің, агрегаттардың, қосалқы бөлшектердің және материалдардың тасымал жолында тез арада қалпына келтіруді талап ететін сынуы, істен шығуы туындаған кезде тауарларды, жұмыстарды, қызметтерді сатып алу;

12) Қазақстан Республикасының заңдарында айқындалған тұлғалардан тауарларды, жұмыстарды, қызметтерді сатып алу;

13) мүлікті сенімгерлік басқару қызметтерін сатып алу;
14) «Назарбаев Университеті» және/немесе оның ұйымдарынан тауарларды, жұмыстарды, көрсетілетін қызметтерді сатып алу;

15) мыналарды:

Қазақстан Республикасының атқарушылық іс жүргізу туралы заңнамасына сәйкес сот орындаушылары өткізетін;

Қазақстан Республикасының банкроттық туралы заңнамасына сәйкес өткізілетін;

Қазақстан Республикасының жер заңнамасына сәйкес өткізілетін;
мемлекеттік мүлікті жекешелендіру кезіндегі сауда-саттықта (аукциондарда) сатылатын мүліктерді (активтерді) сатып алу;

16) халықаралық коммерциялық төрелік және шетелдік сот органдарында тапсырыс берушінің мүдделерін қорғау және білдіру бойынша консультациялық және заңды қызметтерді сатып алу;

17) табиғи монополия субъектілерінен реттелетін тауарларды, жұмыстарды, көрсетілетін қызметтерді сатып алу;

18) тармақ Қамқоршылық кеңестің 2012 жылғы 12 қарашадағы № 7 шешіміне сәйкес жаңа редакцияда мазмұндалады (ескі ред. кара)

18) білім беру, ғылыми, ғылыми-зерттеу бағдарламалары/ жобаларының, арнайы, ғылыми, оқу, оқу-әдістемелік және/немесе көркем әдебиеттің, кез келген ақпарат көзі жеткізгіштердегі оқу әдебиеті мен онлайн оқу материалдарына кіру кодының, деректі және/немесе көркемдік сипаттағы бейне материалдардың, көмекші оқу құралдарының мазмұнына сәйкес сатып алу;

19) «Назарбаев Университеті» мен оның ұйымдарының кітапхана мен мұражай қорларын толықтыруға, сондай-ақ «Назарбаев Университеті» мен оның ұйымдарын эстетикалық ресімдеуге арналған өнер өнімдерін, қолөнер шеберлерінің бұйымдарын, мұражай заттары және коллекцияларды сатып алу;

20) «Назарбаев Университеті» мен оның ұйымдарының оқу және/немесе ғылыми зертханаларының қызметін қамтамасыз ету үшін зертханалық шығыс материалдарын сатып алу;

21) тармаққа Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. кара)

21) мемлекеттік органдар қаржыландыратын ғылыми-зерттеу бағдарламаларын, ғылыми-техникалық жобаларды және/немесе бағдарламаларды іске асыруға қажетті тауарларды, жұмыстарды, қызметтерді сатып алу;

22) технология иесінен жаңа технологияны енгізуге байланысты жұмыстарды, қызметтерді сатып алу;

23) онлайн электрондық толық мәтіндік, реферативті, библиографиялық және т.б. дерекқорына, электрондық журналдар коллекцияларын, электрондық кітапханаларға, электрондық кітаптар коллекцияларына және жекелеген атауы бар электрондық журналдар мен кітаптарға қол жеткізу қызметтерін сатып алу;

24) тармаққа Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. қара)

24) тапсырыс берушінің алқалық атқарушы органы бекіткен тізбе бойынша күнделікті және/немесе апта сайынғы қажеттілікті сатып алуды жүзеге асыру қажет болған жағдайда (жарияланған сәттен бастап тендер қорытындылары бойынша сатып алу туралы шарт жасалғанға дейінгі кезеңде), тауарларды, жұмыстарды, қызметтерді сатып алу;

25) тапсырыс берушінің жарғылық мақсаттарына сәйкес қызметкерлер құрамын, талапкерлерді іріктеу және қабылдау қызметтерін сатып алу;

26) медициналық қызмет, білім беру және/немесе ғылым, медициналық қызметті, білім беру, ғылыми-зерттеу процестерін, сәулет, қала құрылысы және/немесе құрылыс қызметін әдіснамалық және/немесе материалдық-техникалық қамтамасыз ету салаларында стратегиялық серіктестерден, оның ішінде олардың еншілес ұйымдарынан, сондай-ақ олардың ресми дилерлерінен (дистрибьюторлерінен) тауарларды, жұмыстарды, қызметтерді сатып алу;

27) қандай да бір өнім берушіден тауарларды, жұмыстарды, қызметтерді сатып алған тапсырыс берушіде қолда бар тауарлармен, жабдықпен, технологиямен, жұмыстармен немесе көрсетілетін қызметтермен біріздендіру, стандарттау немесе үйлесімділікті қамтамасыз ету мақсатында нақ сол өнім берушіден басқа да сатып алуды жүргізу қажеттігі туындаса;

28) құрылтайшысы жергілікті атқарушы орган болып табылатын заңды тұлғадан «Назарбаев Университеті» күрделі құрылысына тапсырыс берушіге бөлінген жер учаскелерін сатып алу және құрылыстарды бұзу бойынша жұмыстар мен қызметтерді сатып алу;

29) жобалау алдындағы құжаттаманы дайындау бойынша қызметтерді тапсырыс беруші үшін орындаған өнім берушіден жобалау бойынша қызметтерді сатып алу;

30) тармаққа Қамқоршылық кеңестің 2014 жылғы 30 наурыздағы № 14 шешіміне сәйкес өзгерістер енгізілді (ескі ред. қара)

30) «Назарбаев Университеті» ғылыми, оқу зертханаларын іске қосу үшін жұмыстарды сатып алу;

31) тапсырыс беруші өнім беруші ретінде жасасқан сатып алу туралы шарт бойынша міндеттемелерді орындау үшін тауарларды, жұмыстарды, қызметтерді сатып алу;

32) тармақ Қамқоршылық кеңестің 2014 жылғы 30 наурыздағы № 14 шешіміне сәйкес мына редакцияда мазмұндалады (ескі ред. қара)

32) тапсырыс берушінің жарғылық қызметін іске асыру үшін білім беру ұйымынан немесе ғылыми ұйымдардан, сондай-ақ олардың еншілес ұйымдарынан тауарларды, жұмыстарды, қызметтерді сатып алу;

33) тармақ Қамқоршылық кеңестің 2014 жылғы 30 наурыздағы № 14 шешіміне сәйкес мына редакцияда мазмұндалады (ескі ред. қара)

33) коммуналдық және пайдалану қызметтерін, қонақ үй нөмірлерін, апартаменттерді беру, тұрғын және/немесе тұрғын емес үй-жайларды, сондай-ақ «Назарбаев Университетіне» және/немесе оның ұйымдарына бөлінген аумақтарды ұстау бойынша қызметтерді төлеу;

34) телефон, ұялы байланыс, деректерді беру (интернет, IP VPN), теледидар қызметтерін сатып алу;

35) Қамқоршылық кеңестің 2014 жылғы 30 наурыздағы № 14 шешіміне сәйкес алынып тасталды (ескі ред. кара)

Тармақ Қамқоршылық кеңестің 2012 жылғы 12 қарашадағы № 7 шешіміне сәйкес 36)-41) тармақшалармен толықтырылды

36) қызметтік тұрғын емес үй-жайларды жалдау қызметтерін сатып алу;

37) санитарлық авиация шеңберінде ауруларды тасымалдау мен олармен бірге жүру бойынша, сондай-ақ санитарлық авиация бөлімшесі бар ауруханалардан медицина қызметтерін сатып алу;

38) қан, халықтың санитарлық-эпидемиологиялық ахуалы, АИВ/ ЖҚТБ-ның алдын алу, мемлекеттік меншіктегі немесе акциялардың (қатысу үлесінін) 100 % (жүз) пайызы мемлекетке тиесілі салада қызмет жүргізетін денсаулық сақтау ұйымдары көрсететін медициналық қызметтерді сатып алу;

39) мына қызмет түрлері: вивария, микроағзалардың селекциясы, заттар мен материалдардың зертханалық анализі бойынша аккредиттелген ғылыми-зерттеу ұйымдары жүзеге асыратын жұмыстарды, қызметтерді сатып алу;

40) имидждік өнімді шағыру тауарларын, қызметтерін сатып алу;

41) «Назарбаев Университеті», оның ұйымдарының объектілерін жобалауға/құрылысына шығыс-рұқсат, рұқсат құжаттамасын әзірлеу бойынша қызметтерді сатып алу;

Ереже Қамқоршылық кеңестің 2013 жылғы 12 қыркүйектегі № 12 шешіміне сәйкес 42) тармағымен толықтырылды

42) Назарбаев Университеті» және/немесе оның ұйымдарының құрылыс объектілерін пайдалануға бергенге дейін материалдық-техникалық жабдықтау үшін кешенді жұмыстарды орындайтын стратегиялық әріптестерден тауарларды, жұмыстарды қызметтерді сатып алу.

Ереже Қамқоршылық кеңестің 2012 жылғы 12 қарашадағы № 7 шешіміне сәйкес 15-1 тармағымен толықтырылды

15-1) тармағы абзац Қамқоршылық кеңестің 2014 жылғы 30 наурыздағы № 14 шешіміне сәйкес мына редакцияда мазмұндалады (ескі ред. кара)

15-1. Ереженің осы тараудағы 15-тармағында көзделген жағдайларда сатып алу Қазақстан Республикасының азаматтық заңнамасына сәйкес Ережелердің 3-тармағы 4), 5) тармақшаларында көзделген қағидаттарды сақтай отырып жүргізіледі.

4. Сатып алу тәсілдері

16. Ереженің 15-тармағында көзделген жағдайларды қоспағанда, өнім берушіні таңдау мынадай тәсілдермен жүзеге асырылады:

1) тендер. Тендер екі кезеңдік рәсімдер пайдаланыла отырып өткізілуі мүмкін;

2) баға ұсыныстарын сұрату;

3) бір көзден алу;

4) электрондық сатып алу;

5) Қамқоршылық кеңестің 2014 жылғы 30 наурыздағы № 14 шешіміне сәйкес алынып тасталды (ескі ред. кара)

6) Қамқоршылық кеңестің 2014 жылғы 30 наурыздағы № 14 шешіміне сәйкес алынып тасталды (ескі ред. кара)

Тармақ Қамқоршылық кеңестің 2013 жылғы 02 желтоқсандағы № 13 шешіміне сәйкес 7) тармақшамен толықтырылды

7) сатып алудың ерекше тәртібі.

17. Тапсырыс беруші Ереженің негізінде сатып алу тәсілін таңдайды.

18. Тапсырыс беруші тендер және баға ұсыныстарын сұрату тәсілдерімен сатып алуды жүзеге асыру кезінде мыналарға:

1) біртекті болып табылмайтын тауарларды, жұмыстарды, қызметтерді біртектілігі бойынша лоттарға;

2) біртекті жұмыстарды, қызметтерді оларды орындау, көрсету орындары бойынша лоттарға;

3) біртекті тауарларды біртекті тауарлар түрлері және/немесе оларды жеткізу орны бойынша лоттарға бөлуге құқылы.

Сатып алуға қатысуға берілген құжаттарды қарау, салыстыру және бағалау, сондай-ақ Ереженің осы тармағында көрсетілген жағдайларда жеңімпазды айқындау әрбір лот бойынша жүзеге асырылады.

5. Сатып алуды ұйымдастырушыны айқындау тәртібі

19. Сатып алуды ұйымдастыру мен жүргізу рәсімін орындау үшін тапсырыс беруші сатып алуды ұйымдастырушыны айқындауға құқылы.

20) тармаққа Қамқоршылық кеңестің 2014 жылғы 30 наурыздағы № 14 шешіміне сәйкес өзгерістер енгізілді (ескі ред. қара)

20. Тапсырыс берушінің өзі сатып алуды ұйымдастыру және өткізу рәсімдерін орындауға жауапты өз құрылымдық бөлімшесінің атынан сатып алуды ұйымдастырушы ретінде болуы мүмкін. Тауарларды, жұмыстарды, қызметтерді сатып алуды өткізу, тендерлік комиссия, сараптама комиссиясы (сарапшы) құрамын бекіту, тендерлік комиссия хатшысын тағайындау тапсырыс берушінің бірінші басшысының немесе өзге уәкілетті тұлға шешімімен ресімделеді.

21) тармаққа Қамқоршылық кеңестің 2014 жылғы 30 наурыздағы № 14 шешіміне сәйкес мына редакцияда мазмұндалады (ескі ред. қара)

21. Сатып алуды жүргізу мақсатында:

1) «Назарбаев Университеті» сатып алудың ұйымдастырушысы болуға немесе «Назарбаев Университетінің» ұйым(дар)ы үшін сатып алуды ұйымдастырушыны айқындауға құқылы;

2) тапсырыс беруші сатып алуды ұйымдастырушы ретінде «Назарбаев Университеті» басқа ұйымын онымен келісе отырып, айқындауға құқылы.»;

22) тармаққа Қамқоршылық кеңестің 2014 жылғы 30 наурыздағы № 14 шешіміне сәйкес өзгерістер енгізілді (ескі ред. қара)

22. Тендерлік құжаттаманы бекіту тапсырыс берушінің бірінші басшысының немесе өзге уәкілетті тұлғасының шешімімен ресімделеді.

23. Қамқоршылық кеңестің 2012 жылғы 12 қарашадағы № 7 шешіміне сәйкес алынған тасталды (ескі ред. қара)

24. Сатып алуды ұйымдастырушыны айқындаған жағдайда тапсырыс беруші(лер) сатып алуды ұйымдастырушыға мынадай қажетті құжаттарды:

1) сатып алуды ұйымдастырушыны айқындау, тауарларды, жұмыстарды, қызметтерді сатып алуды өткізу, тендерлік құжаттаманы бекіту туралы шешімнің көшірмесін;

2) қосымшаларымен қол қойылған тендерлік құжаттаманы;

- 3) бекітілген сатып алу жоспарынан үзіндіні;
- 4) сараптама комиссиясының (сарапшы) құрамы, тапсырыс берушінің өкілдері (тендерлік комиссияның мүшелері), тендерлік/сараптама комиссиясының өзара іс-әрекетін ұйымдастыруға жауапты лауазымды тұлға туралы ақпаратты ұсынады.

25. Сатып алуды ұйымдастырушы тапсырыс берушінің тендерлік құжаттамасының мазмұнына жауапты болмайды.

26. Тапсырыс беруші(лер) сатып алуды ұйымдастырушыға Ереженің 24-тармағында көрсетілген ақпараттағы барлық өзгерістер және/немесе толықтырулар туралы бірден хабарлайды.

27. Өткізілген сатып алу қорытындылары бойынша тапсырыс беруші(лер) тендерлік комиссияның шешіміне сәйкес өнім беруші(лер)мен сатып алу туралы шарт(тар)ды жасасуға міндетті.

6. Тендер тәсілімен сатып алу

28. Тендер тәсілімен сатып алу рәсімі мынадай жүйелі іс-шараларды өткізуді көздейді:

1) Ереженің 20-тармағынан басқа, сатып алуды ұйымдастырушыны айқындау;

2) тендер тәсілімен тауарларды, жұмыстарды, қызметтерді сатып алуды өткізу, тендерлік комиссияның құрамын бекіту, сараптама комиссиясының құрамын бекіту, сарапшыны айқындау (қажет болған жағдайда), тендерлік комиссияның хатшысын тағайындау туралы шешім қабылдау;

3) тендерлік құжаттаманы бекіту;

4) тендер тәсілімен сатып алуды өткізу туралы хабарламаны, тендерлік құжаттаманы тапсырыс берушінің интернет-ресурсында орналастыру;

5) тендерлік комиссия хатшысының тендерге қатысуға әлеуетті өнім берушілер өтінімін қабылдау және тіркеу;

6) әлеуетті өнім берушілердің тендерге қатысуға өтінімдері салынған конверттерді ашу бойынша тендерлік комиссияның отырысы, әлеуетті өнім берушілердің тендерге қатысуға өтінімдері салынған конверттерді ашу хаттамасын ресімдеу және оған қол қою, оны тапсырыс берушінің интернет-ресурсында орналастыру;

7) тендерлік комиссияның әлеуетті өнім берушілердің тендерге қатысуға өтінімдерін қарау, тендер қорытындысын шығару, тендер қорытындысы туралы хаттаманы ресімдеу және оған қол қою, оны тапсырыс берушінің интернет-ресурсында орналастыру;

8) тапсырыс берушімен тендер жеңімпазымен сатып алу туралы шартты жасасу.

6.1. Тендерлік комиссия, сараптама комиссиясы (сарапшы)

29. Тендерлік комиссияның құрамы кемінде 3 (үш) адамнан тұруы тиіс. Тендерлік комиссияның құрамына тендерлік комиссияның төрағасы, төрағаның орынбасары мен мүшелері кіреді.

30. Тендерлік комиссия Ереженің 88-тармағында көзделген жағдайларды қоспағанда, оны құру туралы шешім күшіне енген күннен бастап жұмыс істейді және өз қызметін тендер қорытындысын шығарғаннан кейін (тендер өтпеген жағдайда) немесе тауарларды, жұмыстарды, қызметтерді сатып алу туралы шартты бекіткен күннен бастап өз қызметін тоқтатады.

31) тармақ Қамқоршылық кеңестің 2012 жылғы 12 қарашадағы № 7 шешіміне сәйкес жаңа редакцияда мазмұндалады (ескі ред. қара)

31) тармағының екінші абзацқа Қамқоршылық кеңестің 2014 жылғы 30 наурыздағы № 14 шешіміне сәйкес өзгерістер енгізілді (ескі ред. қара)

31. Сатып алуды ұйымдастырушының бірінші басшысы, не сатып алуды ұйымдастырушының бірінші басшысының орынбасары немесе сатып алуды ұйымдастырушының өзге басшысы Тендерлік комиссияның төрағасы болады.

Сатып алуларды ұйымдастыру және өткізу рәсімдерін орындау мақсатында заңды тұлғаны белгілеген жағдайда тендерлік комиссия төрағасының орынбасары ретінде тапсырыс берушінің бірінші басшысы немесе тапсырыс берушінің бірінші басшысының орынбасары немесе өзге уәкілетті тұлғасы тағайындалады.

Тендерлік комиссия мүшелерінің саны сатып алуды ұйымдастырушының тендерлік комиссиясы мүшелерінің санынан аспауы тиіс.

32. Тендерлік комиссияның төрағасы:

1) тендерлік комиссияның жұмысын жоспарлайды және қызметіне басшылық етеді;

2) тендерлік комиссия отырыстарында төрағалық етеді;

3) Ережемен көзделген өзге де функцияларды жүзеге асырады.

33. Төраға болмаған кезде оның функциясын тендерлік комиссия төрағасының орынбасары орындайды.

34. Тендерлік комиссия отырыстары тендерлік комиссия мүшелерінің қарапайым көпшілігі қатысқан жағдайда өткізіледі және хаттамамен ресімделеді, оған тендерлік комиссияның мүшелері мен тендерлік комиссияның хатшысы әр парағына қол қояды.

Тендерлік комиссияның мүшесі болмаған жағдайда, тендерлік комиссия отырысының хаттамасында осы фактіні растайтын құжатқа сілтеме жасаумен оның болмау себебі көрсетіледі.

Тендерлік комиссия құрамының қарапайым көпшілігі болмаған жағдайда, сатып алуды ұйымдастырушы кворумға қол жеткізу мақсатында тендерлік комиссияның қатыспаған мүшесін алмастыруды жүргізеді. Тендерлік комиссияның болмаған хатшысын және/немесе сарапшыны алмастыруды міндетті түрде сатып алуды ұйымдастырушы жүргізеді.

35. Тендерлік комиссияның шешімі ашық дауыс берумен қабылданады және егер оған тендерлік комиссия мүшелерінің отырысқа

қатысқандарының жалпы санының көпшілігі дауыс берсе, қабылданды деп саналады. Шешім қабылдаған кезде тендерлік комиссия сараптама комиссиясының (сарапшының) қорытындысын есепке алады.

Дауыстар тең болған жағдайда, тендерлік комиссияның төрағасы немесе ол болмаған жағдайда төрағаның орынбасары дауыс берген шешім қабылданды деп саналады. Тендерлік комиссияның шешімімен келіспеушілік жағдайында, тендерлік комиссия құрамының кез келген мүшесінің ерекше пікірге құқығы бар, ол жазбаша түрде беріліп, тендерлік комиссия отырысының хаттамасына қоса берілуі тиіс.

36. Тендерлік комиссия мүшелерінің қайсыбіреуінде мүдделер қайшылығы болған жағдайда, бұл тұлға ол туралы тендерлік комиссияның хатшысына хабарлайды, ол туралы тендер қорытындысы туралы хаттамаға жазба жазылады. Бұл ретте осы тұлға тендерлік комиссияның шешім қабылдауына қатыспайды.

37. Тендерлік комиссияның ұйымдастыру қызметін тендерлік комиссияның хатшысы қамтамасыз етеді. Тендерлік комиссияның хатшысы тендерлік комиссия мүшесі болып табылмайды және тендерлік комиссия шешім қабылдаған кезде дауыс беруге құқығы жоқ.

Тендерлік комиссияның хатшысы:

1) тендерлік комиссия отырысының күн тәртібін қалыптастырады, тендерлік комиссияны қажетті құжаттармен қамтамасыз етеді, тендерлік комиссия отырысын өткізуді ұйымдастырады;

2) тендерге қатысуға өтінімдер салынған конверттерді ашу хаттамасын, тендер қорытындысы туралы хаттаманы, сондай-ақ тендерлік комиссия отырыстарының басқа да хаттамаларын ресімдейді және оларға қол қояды;

3) тендерге қатысуға өтінімдерді ашу сәтінен бастап тендер тәсілімен тауарларды, жұмыстарды, қызметтерді сатып алу құжаттары мен материалдарының сақталуын қамтамасыз етеді;

4) Ережемен көзделген өзге де қызметтерді жүзеге асырады.

38. Техникалық ерекшелікті дайындау, әлеуетті өнім берушілер ұсынатын тауарлардың, жұмыстардың, қызметтердің тендерлік құжаттама талаптарына сәйкестігін айқындау үшін тапсырыс беруші/сатып алуды ұйымдастырушы сараптама комиссиясын (сарапшыны) құруға құқылы.

39. Тапсырыс берушіде/сатып алуды ұйымдастырушыда техникалық ерекшелікті дайындау, әлеуетті өнім берушілер ұсынатын тауарлардың, жұмыстардың, қызметтердің тендерлік құжаттаманың талаптарына сәйкестігін айқындау үшін тиісті бейіндегі маманы болмаған жағдайда, тапсырыс беруші/сатып алуды ұйымдастырушы сарапшылар ретінде ақысыз негізде мемлекеттік қызметшілерді, ал басқа сарапшыларды ақылы, сол сияқты ақысыз да негізде тараптар келісімі бойынша қатыстыруға құқылы.

Қандай да бір тұлғаны сарапшы ретінде қатыстыру үшін оның қызмет бейінінің сатып алу мәніне сәйкестігі міндетті шарт болып табылады.

40. Сараптама комиссиясын құрған жағдайда тапсырыс беруші/сатып алуды ұйымдастырушы тартылған сарапшылар қатарынан сараптама

комиссиясын құрады және олардың арасынан сараптама комиссиясының басшысын белгілейді. Сараптама комиссиясының құрамы 3 (үш) адамнан кем болмауы тиіс.

41. Сараптама комиссиясы (сарапшы) әлеуетті өнім берушілер ұсынатын тауарлардың, жұмыстардың, қызметтердің техникалық ерекшелік талаптарына сәйкестігі мәніне сараптама қорытындысын береді және оның тендерлік комиссия шешім қабылдаған кезде дауыс беру құқығы болмайды.

Сараптама қорытындысы жазбаша түрде ресімделеді, оның әрбір парағына сараптама комиссиясының мүшелері (сарапшы) қол қояды және тендер қорытындысы туралы хаттамаға қоса беріледі және оның ажырамас бөлігі болып табылады.

42. Сарапшы сараптама комиссиясының қорытындысымен келіспегені жағдайда, ол ерекше пікірін жазбаша түрде береді, ол сараптама комиссиясының қорытындысына қоса беріледі және оның ажырамас бөлігі болып табылады.

6.2. Тендерлік құжаттама

43. Тендерлік құжаттамада мынадай мәліметтер қамтылуы тиіс:

1) тапсырыс берушінің/сатып алуды ұйымдастырушының атауы мен орналасқан орны;

2) жариялануға тиіс ақпаратты орналастыру жоспарланатын интернет-ресурстың электрондық мекенжайы;

3) қосылған құн салығын есепке алмай, тендер тәсілімен өткізілетін сатып алудың мәні болып табылатын тауарларды, жұмыстарды, қызметтерді сатып алу үшін бөлінген сомалар туралы мәліметтер;

4) белгіленген тәртіппен бекітілген жобалау-сметалық құжаттаманың қажетті бөлімін, техникалық ерекшеліктерді, ал қажет болған жағдайда - нормативтік-техникалық құжаттаманы көрсетуді қоса алғанда, сатып алынатын тауарлардың, жұмыстардың, қызметтердің сипаты мен талап етілетін техникалық, сапалық және пайдалану сипаттамалары;

5) өткізілетін сатып алудың мәні болып табылатын тауарлардың саны, орындалатын жұмыстардың, көрсетілетін қызметтердің көлемдері;

6) тауарды жеткізу, жұмыстарды орындау, қызметтерді көрсету орны мен шарттары;

7) тауарды жеткізудің, жұмыстар орындаудың, қызметтерді көрсетудің талап етілетін мерзімдері (кестесі), ұсынылатын тауарлардың, жұмыстардың, қызметтердің сапасына кепілдік беру;

8) төлемнің негізгі шарттары және елеулі шарттарды көрсете отырып, сатып алу туралы шарттың жобасы;

9) тармаққа Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізінді (ескі ред. қара)

9) әлеуетті өнім берушілердің бағаның шартты түрде төмендеуіне әсер ететін тендерге қатысуға өтінімдерін бағалау мен салыстыру критерийлерінің сипаты;

10) банктік кепілдік түрінде тендерге қатысуға өтінімді қамтамасыз етудің енгізу шарттары, мазмұны мен көлемі;

11) тармаққа Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. кара)

11) баға ұсынысының мазмұнына қойылатын талаптар:

әлеуетті өнім берушінің баға ұсынысы бірлік бағасынан, сондай-ақ оған енгізілген тасымалдау мен сақтандыруға, кедендік баждарды және басқа да салықтарды, алымдарды төлеуге жұмсалатын шығыстармен, сондай-ақ қосылған құн салығын есепке алмай, тауарларды жеткізу, жұмыстарды орындау, қызметтерді көрсету шарттарымен көзделген өзге де шығыстар қамтылған тауарларды жеткізудің, жұмыстарды орындаудың, қызметтерді көрсетудің жалпы бағасынан тұруы тиіс;

әлеуетті өнім берушінің баға ұсынысы тендерлік құжаттамада айқындалған тапсырыс беруші талаптарында берілген тауарлардың, жұмыстардың, қызметтердің жалпы бағасына жеңілдіктерден, сондай-ақ төлемнің балама шарттарын есепке ала отырып, әлеуетті өнім беруші ұсынған жалпы бағадан (жеңілдіктен) тұруы мүмкін.

Тендерлік комиссия әлеуетті өнім берушінің балама төлем шарттарын қабылдауға құқылы.

12) тендерге қатысуға өтінімдер жасау мен ұсыну тіліне қойылатын талаптар;

13) әлеуетті өнім берушінің баға ұсынысы көрсетілуі тиіс валюта немесе валюталар.

Егер тендерге қатысушылардың баға ұсыныстары әртүрлі валюталарда көрсетілсе, онда оларды бағалау және салыстыру үшін олар Қазақстан Республикасының валютасы – теңгеге, тендерге қатысуға өтінімдер салынған конверттерді ашу күніне Қазақстан Республикасының Ұлттық Банкі белгілеген ресми бағам бойынша аударылады;

14) әлеуетті өнім беруші оның (және егер тендерлік құжаттама талаптарымен әлеуетті өнім берушінің қосалқы мердігерлерді/қоса орындаушылар тартуы көзделген жағдайда, олар тартатын қосалқы мердігерлердің/қоса орындаушылардың) тендерлік құжаттама талаптарына сәйкестігін растауда ұсынатын құжаттардың тізбесі;

15) әлеуетті өнім беруші қосалқы мердігерлерге (қоса орындаушыларға) өткізілетін сатып алудың мәні болып табылатын жұмыстарды орындау немесе қызметтерді көрсету үшін беруі мүмкін жұмыстар мен қызметтердің шекті көлемдері.

Әлеуетті өнім берушінің қосалқы мердігерлерге (қоса орындаушыларға) қосалқы мердігерлікке (қоса орындауға) жұмыстар, қызметтер (құрылыс құны) көлемінің 2/3 (екіден үш) астамын беруіне рұқсат етілмейді;

16) сатып алу туралы шартты орындауды қамтамасыз етуді және/немесе алдын ала төлем/аванс сомасына сатып алу туралы шартты орындауды қамтамасыз етуді енгізу шарттары, көлемі мен тәсілі (тендерлік құжаттамада осындай қамтамасыз ету қарастырылған жағдайда);

17) тендерге қатысуға өтінім салынған конвертті беру тәртібі, тәсілі, орны мен түпкілікті мерзімі және тендерге қатысуға өтінімнің талап етілетін қолданылу мерзімі;

18) тендерлік құжаттама ережелерін түсіндіру бойынша әлеуетті өнім берушілермен кездесу өткізу шарттары (тендерлік құжаттамада әлеуетті өнім берушілермен кездесу өткізу көзделген жағдайда), сондай-ақ олардың көмегімен әлеуетті өнім берушілер тендерлік құжаттама мазмұны бойынша түсініктемелер сұрай алатын тәсілдер.

Бұл ретте сатып алуды ұйымдастырушы сұраныс түскен сәттен бастап 3 (үш) күннен кешіктірмей, сұраныс кімнен түскенін көрсетпей-ақ, оған жауап беруге, сондай-ақ тендерлік құжаттама орналастырылған интернет-ресурста жауапты орналастыру арқылы тендерлік құжаттаманы алған барлық әлеуетті өнім берушілерді осы түсініктеме туралы хабардар етуге міндетті;

19) тендерлік құжаттамаға өзгерістер және/немесе толықтырулар енгізу тәртібі мен мерзімдері.

Бұл ретте тендерге қатысуға өтінімдерді берудің түпкілікті мерзімі кемінде 5 (бес) күнтізбелік күнге ұзартылады. Тапсырыс беруші/сатып алуды ұйымдастырушы тендерлік құжаттаманы алған барлық әлеуетті өнім берушілерді тендерлік құжаттама орналастырылған интернет-ресурста енгізілген өзгерістер және/немесе толықтырулар мәтінін орналастыру арқылы тендерлік құжаттамаға өзгерістер және/немесе толықтыруларды бекіткен күннен бастап 3 (үш) күн ішінде тендерлік құжаттаманың өзгеруі және/немесе толықтырылуы және тендерге қатысуға өтінім берудің өзгерген мерзімі туралы хабардар етеді;

20) әлеуетті өнім берушінің тендерге қатысуға өтінімді берудің қорытынды мерзімі өткенге дейін өз өтінімін өзгерту немесе кері алу құқығын көрсету;

21) тендерге қатысуға өтінімдер салынған конверттерді ашу орны, күні мен уақыты;

22) тендерге қатысуға өтінімдер салынған конвертті ашу рәсімінің, тендерге қатысуға өтінімдерді қарау, тендерге қатысуға өтінімдерді бағалау және салыстыру сипаты;

23) әлеуетті өнім берушілердің тендерге қатысуға өтінімдерін қабылдамау негіздемелері туралы ақпарат;

24) тендер қорытындылары бойынша сатып алу туралы шарт жасасу тәртібі;

25) әлеуетті өнім берушіні (өнім берушіні) сенімсіз деп тану негіздемелері туралы ақпарат.

44. Тендерлік құжаттамада тауар белгілеріне, қызмет көрсету белгілеріне, фирмалық атауларға, патенттерге, пайдалы модельдерге, өнеркәсіптік үлгілерге, тауардың шыққан орнының атауы мен өндірушінің атауына, сондай-ақ негізгі (орнатылған) жабдықтарды толық жинақтау, жаңарту және толық жарақтандыру үшін тауарларды сатып алуды жүзеге асыру жағдайларынан басқа, сатып алынатын тауардың, жұмыстардың, қызметтердің жекелеген әлеуетті өнім берушіге тиесілігін айқындайтын өзге

де сипаттамаларға сілтемелердің болуына жол берілмейді.

45) тармаққа Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. кара)

45. Тендерлік құжаттамада бағаны шартты түрде төмендетуге ықпал ететін тендерге қатысуға өтінімдерді бағалау мен салыстырудың міндетті критерийлері көзделеді:

1) әлеуетті өнім берушіде жеткізілген тауарларды, орындалған жұмыстарды, көрсетілген қызметтерді қабылдау-тапсыру актілерінің тиісті түпнұсқаларымен немесе нотариалды куәландырылған көшірмелерімен расталған соңғы 10 (он) жыл ішінде сатып алынатын тауарлар, жұмыстар, қызметтер нарығында жұмыс тәжірибесінің болуы (жұмыс тәжірибесінің 3 (үш) жылы үшін бағаны 1,5%-ға (бір бүтін бес ондық пайызға) және әрбір кейінгі 1 (бір) жыл жұмыс үшін 0,5%-ға (ноль бүтін бес ондық пайызға), бірақ 5%-дан (бес пайыздан) аспайтын шартты түрде төмендету);

2) егер тендерлік өтінімде тауарлардың, жұмыстардың, қызметтердің кепілдік беру кезеңі (егер сатып алу талаптарында кепілдік кезең көзделсе) тендерлік құжаттамада көрсетілген негізгі бағадан астам болса (әрбір жыл ішінде бағаны 1 % (бір пайызға), бірақ 5%-дан (бес пайыздан) аспайтын шартты түрде төмендету). Бұл ретте тапсырыс беруші тендерлік құжаттамадағы сатып алу туралы шарттың жобасында кепілдік беру кезеңінде сатып алу туралы шарттың бағасынан ұстап қалу мөлшерін (пайызбен) белгілеуге құқылы.

46. Тендерлік құжаттамада тендерге қатысушы тендерге қатысуға өтінімді қамтамасыз етуді, өзінің:

1) тендерге қатысуға өзінің өтінімін табыс етудің соңғы мерзімі өткеннен кейін өзінің өтінімін кері қайтарып алмайтындығының не өзгертпейтіндігінің және/немесе толықтырмайтындығының;

2) тармақшаға Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. кара)

2) оны тендердің жеңімпазы деп таныған жағдайда, тендер қорытындылары туралы хаттамада/салыстыру және бағалау қорытындылары бойынша екінші орын алған әлеуетті өнім берушіні тендердің жеңімпазы деп белгілеу туралы хаттамада белгіленген мерзімдерде тапсырыс берушімен сатып алу туралы шарт жасасатындығының және сатып алу туралы шартты орындауды қамтамасыз етуді және/немесе алдын ала төлем/аванс сомасына сатып алу туралы шартты орындауды қамтамасыз етуді (егер тендерлік құжаттамада (сатып алу туралы шарттың жобасында) қамтамасыз ету көзделген жағдайда) енгізетіндігінің кепілі ретінде тендерге қатысушы белгілеген мерзімдерде тендерге қатысуға өтінімді қамтамасыз етуді енгізуі көзделуі мүмкін.

47. Тендерге қатысуға өтінімді қамтамасыз ету тауарларды, жұмыстарды, қызметтерді сатып алу үшін тендерге (лотқа) бөлінген сомадан 1% (бір пайыз) мөлшерде банктік кепілдік түрінде енгізіледі. Тендерге қатысуға өтінімді қамтамасыз етудің қолданылу мерзімі тендерге қатысуға өтінімнің қолданылатын мерзімінен кем болмауы қажет. Бұл ретте тендерге қатысуға өтінімді қамтамасыз етудің қолданылу мерзімі тендерге қатысуға

өтінім салынған конвертті ұсынудың соңғы мерзімнен бастап саналады.

48. Тендерге қатысуға өтінімдердің қамтамасыз етуі жоқ барлық тендерге қатысуға өтінімдерді тендерлік комиссия тендерлік құжаттама талаптарына жауап бермейтіндер ретінде кері қайтарады.

49. Әлеуетті өнім беруші енгізген тендерге қатысуға өтінімді қамтамасыз ету оның өкіліне сұрауы бойынша мынадай:

1) осы әлеуетті өнім берушінің өтінімді берудің түпкілікті мерзімі өткенге дейін тендерге қатысуға өз өтінімін қайтарып алуы;

2) тендердің қорытындылары туралы хаттамаға қол қою. Көрсетілген жағдай жеңімпаз деп танылған әлеуетті өнім берушіге, сондай-ақ екінші орын алған қатысушыға қолданылмайды.

3) сатып алу туралы шарт күшіне енген және тендер жеңімпазының сатып алу туралы шартты орындауды қамтамасыз етуді және/немесе алдын ала төлем/аванс сомасына сатып алу туралы шартты орындауды қамтамасыз етуді енгізуі (егер тендерлік құжаттамада мұндай қамтамасыз ету көзделген жағдайда);

4) тендерге қатысуға өтінімнің қолданылу мерзімі өткен жағдайларда қайтарылады.

50. Әлеуетті өнім беруші енгізген тендерге қатысуға өтінімді қамтамасыз ету мынадай:

1) әлеуетті өнім беруші өтінімді берудің түпкілікті мерзімі өткеннен кейін тендерге қатысуға өтінімін қайтарып алған не өзгерткен және (немесе) толықтырған;

2) тендердің жеңімпазы деп белгіленген немесе салыстыру мен бағалау қорытындылары бойынша екінші орын алған әлеуетті өнім беруші сатып алу туралы шартты жасасудан жалтарған;

3) тармақшаға Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. қара)

3) тендердің жеңімпазы сатып алу туралы шартты жасасып, сатып алу туралы шартты орындауды қамтамасыз етуді енгізу және/немесе енгізу мерзімдері және/немесе алдын ала төлем/аванс сомасына сатып алу туралы шартты орындауды қамтамасыз ету туралы тендерлік құжаттамада белгіленген талапты орындамаған немесе уақтылы орындамаған;

4) тармақшаға Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. қара)

4) әлеуетті өнім беруші – Қазақстан Республикасының резиденті емес, тендерлік құжаттамада белгіленген мерзімдерде нотариалды куәландырылған лицензия көшірмесін және/немесе мемлекеттік электрондық тізбеден алынған электрондық лицензияның деректерін тексеру үшін электрондық лицензияның көшірмесін (егер қызмет міндетті түрде лицензиялануға тиіс болса) бермеген жағдайлардың бірі басталған кезде ұсталынады.

51. Егер әлеуетті өнім беруші екі кезеңді рәсімдерді пайдалана отырып, тендер тәсілімен сатып алудың бірінші кезеңіне қатысса, әлеуетті өнім беруші тендерге қатысуға өтінімді қамтамасыз етуді енгізбейді.

6.3. Тендер тәсілімен сатып алуды өткізу туралы хабарлама, тендерлік құжаттамамен таныстыру

52. Сатып алуды ұйымдастырушы әлеуетті өнім берушілердің тендерге қатысуға өтінімдерді беруінің соңғы күніне дейін кемінде 14 (он төрт) күнтізбелік күн қалғанда:

1) тапсырыс берушінің интернет-ресурсында тендер тәсілімен сатып алуды жүзеге асыру туралы хабарлама мәтінін орналастыруға;

2) тапсырыс берушінің интернет-ресурсында бекітілген тендерлік құжаттаманы орналастырға міндетті.

Қолданылу мерзімі тапсырыс берушінің интернет-ресурсында хабарлама орналастырылған күннен басталады.

53. Тендер тәсілімен сатып алу өткізу туралы хабарлама мынадай мәліметтерден тұруы тиіс:

1) тапсырыс берушінің/сатып алуды ұйымдастырушының толық атауы, электрондық және пошталық мекенжайы;

2) жүзеге асырылатын тауарларды, жұмыстарды, қызметтерді сатып алудың атауы;

3) тауарларды жеткізудің, жұмыстарды орындаудың, қызметтерді көрсетудің атауы, сондай-ақ талап етілетін көлемі, орны мен мерзімдері (сатып алуды ұйымдастырушы осы ақпараттың тендерлік құжаттамада болуын көрсетуге құқылы);

4) тендерлік құжаттама көшірмесін алу тәсілі;

5) тендерге қатысуға өтінімдерді беру орны мен түпкілікті мерзімі, сондай-ақ тендерге қатысуға өтінімдер салынған конверттерді ашу күні, уақыты мен орны;

6) әлеуетті өнім беруші өкілінде тендерге қатысуға өтінімді беру бойынша өкілеттіктердің болуы туралы шарт.

Тендер тәсілімен сатып алуды жүзеге асыру туралы хабарламада бар мәліметтер тендерлік құжаттамада көрсетілген мәліметтерге сәйкес келуі тиіс.

Тапсырыс берушінің интернет-ресурсында хабарламаларды орналастырғанға дейін тендерлік құжаттаманы беруге рұқсат етілмейді.

54. Тендерлік құжаттаманы тапсырыс беруші/сатып алуды ұйымдастырушы интернет-ресурстан тегін береді.

55. Ереженің 85-тармағының 1)-тармақшасына сәйкес тендер тәсілімен қайта сатып алуды өткізген жағдайда, тапсырыс беруші/сатып алуды ұйымдастырушы әлеуетті өнім берушілердің тендерге қатысуға өтінімдерін берудің соңғы күніне дейін кемінде 7 (жеті) күнтізбелік күн қалғанда тендерлік құжаттама талаптарының өзгермеу шартымен Ереженің 52-тармағының 1), 2)-тармақшаларында көзделген іс-шараларды орындауға құқылы.

6.4. Тендерге қатысуға өтінімдердің мазмұны, ресімделуі және берілуі

56. Тендерге қатысуға өтінім әлеуетті өнім берушінің тендерлік құжаттамада белгіленген талаптар мен шарттарға сәйкес тауарларды жеткізуге, жұмыстарды орындауға, қызметтерді көрсетуге келісімін білдіру нысаны болып табылады.

57. Тендерге қатысуға өтінім мыналарды:

1) тармақшаға Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. қара)

1) баға ұсынысымен, әлеуетті өнім берушінің алдын ала төлемнен/аванстан жазбаша бас тартуымен (егер тендерлік құжаттаманың негізгі төлем шарттарымен алдын ала төлем/аванс көзделсе), әлеуетті өнім берушінің мөрі басылған (болған кезде) тендерге қатысуға толтырылған және қол қойылған өтінімді. Соңғы жағдайда алдын ала төлем/аванс сомасына сатып алу туралы шартты орындауды қамтамасыз етуді табыс ету туралы міндеттеме қолданылмайды (сатып алу талаптарымен мұндай қамтамасыз ету көзделген жағдайда);

2) тармақшаға Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. қара)

2) әлеуетті өнім берушінің мөрі басылған (болған кезде) толтырылған және қол қойылған офертті (тапсырыс беруші сатып алу кезінде инженер-консультанттардың халықаралық федерациясының (ФИДИК) нысаны бойынша шарт жобасын қолданғанда);

3) тармақшаға Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. қара)

3) нотариалды куәландырылған лицензияның көшірмесін және/немесе мемлекеттік электрондық тізбеден алынған электрондық лицензияның деректерін тексеру үшін электрондық лицензияның көшірмесін (қызмет міндетті түрде лицензиялануға тиіс болған жағдайда);

Құрылыс жұмыстарын және/немесе кешенді жұмыстарды (қажет болған жағдайда) сатып алу кезінде тендерлік құжаттама талаптарымен тиісті лицензиясы болмаған әлеуетті өнім беруші – Қазақстан Республикасының резиденті емес тендердің жеңімпазы деп танылған жағдайда, қорытындылар туралы хаттамаға/салыстыру және бағалау қорытындылары бойынша екінші орын алған әлеуетті өнім берушіні тендердің жеңімпазы деп белгілеу туралы хаттамаға қол қойылған күннен бастап 45 (қырық бес) күнтізбелік күннен астам емес мерзімде тиісті лицензия алу және тапсырыс берушіге лицензияның нотариалды куәландырған көшірмесін және/немесе мемлекеттік электрондық тізбеден алынған электрондық лицензияның деректерін тексеру үшін электрондық лицензияның көшірмесін ұсыну туралы, әлеуетті өнім берушінің бірінші басшысы қол қойған және оның мөрі басылған (болған кезде) кепілхаттың түпнұсқасын ұсынуға міндетті деп көзделуі мүмкін.

4) әлеуетті өнім берушінің мөрі басылған (болған кезде), қол қойылған техникалық ерекшелікті және тендерлік құжаттаманың техникалық ерекшелігімен көзделген талаптарға сәйкес ресімделген басқа құжаттарды;

5) банктік кепілдік түрінде тендерге қатысуға өтінімді қамтамасыз етуді;

6) Ереженің 45-тармағында көрсетілген бағалау мен салыстыру

критерийлерінің өтінімге қолданылуын растайтын құжаттарды;

7) заңды тұлғаны мемлекеттік тіркеу (қайта тіркеу) туралы куәліктің нотариалды куәландырылған көшірмесін;

жеке тұлға үшін – жеке кәсіпкерді мемлекеттік тіркеу туралы құжаттың нотариалды куәландырылған көшірмесін;

консорциум үшін – консорциумның мүшелері арасында жасалған консорциум туралы келісімнің нотариалды куәландырылған көшірмесін және консорциумның әрбір қатысушыларының кәсіпкерлік субъектісі ретінде/мемлекеттік тіркелгені (қайта тіркелгені) туралы куәліктің нотариалдық куәландырылған көшірмелерін;

8) тармақшаға Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. қара)

8) құрылтайшылар (қатысушылар немесе акционерлер) туралы мәліметтерді қамтитын құжатты;

заңнамада белгіленген тәртіппен бекітілген жарғының нотариалды куәландырылған көшірмесін (консорциум қатысқан жағдайда әрбір консорциум қатысушысы жарғысының нотариалды куәландырылған көшірмесі беріледі);

конверттерді ашу күніне дейін 30 (отыз) күнтізбелік күннен аспайтын мерзім қалғанда берілген акцияларды ұстаушылар тізілімінен үзіндінің нотариалды куәландырылған көшірмесін;

Жауапкершілігі шектеулі серіктестік қатысушыларының тізілімін жүргізген жағдайда серіктестік қатысушыларының тізілімінен үзіндінің нотариалды куәландырылған көшірмесі беріледі.

9) әлеуетті өнім берушінің бірінші басшысын тағайындау (сайлау) туралы құжаттың түпнұсқасы немесе нотариалды куәландырылған көшірмесін;

10) әлеуетті өнім берушінің жарғысына сәйкес сенімхатсыз әлеуетті өнім берушінің атынан әрекет етуге құқығы бар әлеуетті өнім берушінің бірінші басшысын қоспағанда, тендерге қатысуға өтінімнен тұратын құжаттарға қол қою құқығына әлеуетті өнім берушінің мүдделерін білдіретін тұлғаға (тұлғаларға) сенімхатты;

11) тармақшаға Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. қара)

11) әлеуетті өнім берушінің мөрі басылған (болған кезде) жұмыстарды орындау бойынша қосалқы мердігерлер/қызметтер көрсету бойынша қоса орындаушылар туралы толтырылған және қол қойылған мәліметтерді (егер тендерлік құжаттама талаптарымен әлеуетті өнім берушінің қосалқы мердігерлерді/қоса орындаушыларды тартуы көзделген жағдайда).

Әлеуетті өнім беруші өткізілетін сатып алудың мәні болып табылатын жұмыстарды орындау бойынша қосалқы мердігерлерді (қызметтерді көрсету кезінде қоса орындаушыларды) тартқан жағдайда, тендерге қатысуға өтінімде міндетті түрде лицензиялауға жататын қызмет болжамдалатын қосалқы мердігер орындайтын жұмыстарға (қоса орындаушы көрсететін қызметтерге) лицензиялардың нотариалдық куәландырылған көшірмелері және/немесе мемлекеттік электрондық тізбеден алынған электрондық

лицензияның деректерін тексеру үшін электрондық лицензияның көшірмесі қамтылуы қажет.

58. Әлеуетті өнім беруші – Қазақстан Республикасының резиденті емес Ереженің 57-тармағымен көзделген, Қазақстан Республикасы резиденттері тапсыратын құжаттарды немесе тендерлік құжаттама тіліне нотариус куәландырған аудармасымен, ұқсас мәліметтер бар құжаттарды тапсырады.

59. Тендерге қатысуға өтінімнің қолданылу мерзімі тендерлік құжаттамада белгіленген талап етілетін мерзімге сәйкес келуі тиіс. Тендерге қатысуға өтінімнің қолданылу мерзімі тендерге қатысуға өтінім салынған конвертті ұсынудың соңғы мерзімінен бастап саналады.

60. Тендерге қатысуға өтінімді әлеуетті өнім беруші немесе оның уәкілетті тұлғасы тендерлік құжаттамада көрсетілген өтінімді берудің түпкілікті мерзімі өткенге дейін жабылған конвертте береді, ол тігілуі, беттері не парақтары нөмірленген болуы тиіс, соңғы беті немесе парағы әлеуетті өнім берушінің қолымен және мөрімен (болған кезде) расталады.

Қол қойылған техникалық ерекшелік (тігілген түрде, нөмірленген беттері не парақтары бар, соңғы беті немесе парағы әлеуетті өнім берушінің қолымен және мөрімен (болған кезде) куәландырылған) және банк кепілдігі түрінде тендерге қатысуға өтінімді қамтамасыз ету бөлек салынады. Бұл ретте тігілген техникалық ерекшелік пен банктік кепілдікті тендерге қатысуға өтінімнің құрамында беру оны қабылдамау үшін негіз болып табылмайды.

Тендерге қатысуға өтінімнің құрамында тігілген банктік кепілдікті берген жағдайда бұл банктік кепілдік әлеуетті өнім берушіге қайтарылмайды.

61. Тендерге қатысуға өтінім салынып жабылған конверттің беткі жағында әлеуетті өнім беруші мыналарды:

әлеуетті өнім берушінің толық атауы мен пошталық мекенжайын;

тендерлік құжаттамада көрсетілген осыған ұқсас мәліметтерге сәйкес келуі тиіс тапсырыс берушінің/сатып алуды ұйымдастырушының толық атауы мен пошталық мекенжайын;

оған қатысу үшін әлеуетті өнім берушінің тендерге қатысуға өтінімі берілетін тендердің (лоттың) атауын көрсетуге тиіс.

Тендерлік құжаттамада көрсетілген өтінім салынған конвертті берудің түпкілікті мерзімі өткеннен кейін тендерге қатысуға өтінімнің құрамдас бөлігі болып табылатын тендерге қатысуға өтінім салынған конвертті не құжаттарды және/немесе материалдарды беруге рұқсат етілмейді.

Белгіленген мерзім өткеннен кейін берілген тендерге қатысуға өтінім салынған конверт тендерге қатысуға өтінімдерді тіркеу журналына тіркелмейді және әлеуетті өнім берушіге қайтарылады.

62. Тендерге қатысуға өтінімдер салынған конверттерді белгіленген мерзім өткенге дейін берген әлеуетті өнім беруші туралы мәліметтерді сатып алуды ұйымдастырушы тендерге қатысуға өтінімдерді тіркеу журналына хронологиялық тәртіппен енгізеді.

63. Әлеуетті өнім беруші тендерге қатысуға өтінімді беру мерзімі

аяқталғаннан кешіктірмей:

1) тендерге қатысуға енгізілген өтінімді өзгертуге және/немесе толықтыруға;

2) тендерге қатысуға өтінімді ол енгізген қамтамасыз етуге құқығын жоғалтпай тендерге қатысуға өзінің өтінімін қайтарып алуға құқылы.

Тендерге қатысуға өтінім салынған конвертті берудің соңғы мерзімі өткеннен кейін тендерге қатысуға өтінімді қайтарып алуға тең өзгерістер және/немесе толықтырулар енгізуге болмайды.

Ереже Қамқоршылық кеңестің 2012 жылғы 12 қарашадағы № 7 шешіміне сәйкес 63-1-тармақпен толықтырылды (ескі ред. кара)

63-1. Тендерге қатысуға берілетін өтінімге өзгерістерді және/немесе толықтыруларды енгізу Ереженің 57, 60, 61-тармақтарына сәйкес ресімделуі және тендерге қатысуға берілетін өтінімге ұқсас түрінде берілуі тиіс.

Әлеуетті өні берушінің тендерге қатысуға беріген өтінімін қайта шақырып алу тапсырыс берушінің/сатып алуды ұйымдастырушының атына еркін жазылған хат түрінде ресімделеді.

64. Әлеуетті өнім беруші тендер тәсілімен сатып алуға өзінің қатысуына байланысты барлық шығыстарды көтереді. Тапсырыс берушіге/сатып алуды ұйымдастырушыға (тендерлік комиссия, сараптама комиссиясы (сарапшы), тендерлік комиссияның хатшысы) тендер тәсілімен сатып алу қорытындыларына қарамастан, мұндай шығыстарды өтеу бойынша міндеттемелер жүктелмейді.

6.5. Тендерге қатысуға арналған өтінім салынған конверттерді ашу

65. Әлеуетті өнім берушілер не олардың уәкілетті тұлғалары конверттерді ашу бойынша тендерлік комиссия отырыстарына қатысуға құқылы. Қазақстан Республикасының заңнамасында көзделген жағдайлардан басқа, тендерлік комиссия отырыстарын аудио- және бейнежазуға рұқсат етіледі.

66. Тендерлік комиссия тендерге қатысуға өтінімдер салынған конверттерді тендерлік құжаттамада көрсетілген күні, уақытта және орында ашады.

Тендерлік комиссия тендерге қатысуға өтінім салынған әрбір конвертті ашқан кезде тендерге қатысуға өтінімде қамтылған құжаттар мен материалдар тізбесі туралы ақпаратты жариялайды.

67. Тендерлік комиссия отырысы басталғанға дейін тендерлік комиссияның хатшысы тендерге қатысуға өтінімдер салынған конверттерді ашу рәсімін жүзеге асыру кезінде әлеуетті өнім берушілердің мүдделерін білдіруге әлеуетті өнім берушілер өкілдерінің құжатты түрде ресімделген өкілеттігін тексереді.

68. Егер тендерге (лотқа) тендерге (лотқа) қатысуға тек 1 (бір) ғана өтінім ұсынылған жағдайда тендерге қатысуға өтінім ашылады.

69. Конверттерді ашу жөніндегі тендерлік комиссияның отырысы мынадай дәйектілікпен өтеді:

1) тендерлік комиссияның төрағасы немесе төраға анықтаған адам қатысушыларды:

тендерлік комиссияның құрамы, тендерлік комиссияның хатшысы;

әлеуетті өнім берушілердің сұрау салуларының болуы не болмауы, сондай-ақ тендерлік құжаттаманың ережелерін түсіндіру бойынша әлеуетті өнім берушілермен кездесу өткізу;

тендерлік құжаттамаға өзгерістер мен толықтырулар енгізу фактісінің болуы немесе болмауы, сондай-ақ себептері;

тендерге қатысуға өтінімдерді тіркеу журналында тіркелген тендерге қатысуға өтінімдерді белгіленген мерзімде берген әлеуетті өнім берушілер туралы ақпараттандырады;

осы тендер бойынша өзге де ақпаратты жария етеді;

тендерге қатысуға өтінімдер салынған конверттерді ашады және өтінімде қамтылған құжаттардың тізбесін, сондай-ақ баға ұсыныстарында әлеуетті өнім берушілер мәлімдеген бағаны және жеңілдіктерді (болған кезде) жария етеді;

2) тендерлік комиссияның хатшысы:

әлеуетті өнім берушілерді немесе олардың уәкілетті өкілдерін тапсырыс берушінің интернет-ресурсында тендерге қатысуға өтінімдер салынған конверттерді ашудың қол қойылған хаттамасының мәтінін орналастыру мерзімі туралы ақпараттандырады;

тендерлік комиссияның іс-әрекетіне (немесе әрекетсіздігіне) қарсы шағымның немесе қарсылықтың болуы туралы әлеуетті өнім берушілердің уәкілетті өкілдерінен сұрайды.

70. Тендерлік комиссияның хатшысы тендерге қатысуға өтінімдер салынған конверттерді ашудың тиісті хаттамасын ресімдейді.

71. Тендерге қатысуға өтінімдер салынған конверттерді ашу хаттамасына тендерлік комиссияның мүшелері мен хатшысы әр бетіне қол қояды.

72. Тендерлік комиссияның көрсетілген отырыс күнінен кейінгі 3 (үш) жұмыс күнінен кешіктірмей сатып алуды ұйымдастырушы тендерге қатысуға өтінімдер салынған конверттерді ашудың қол қойылған хаттамасының мәтінін тапсырыс берушінің интернет-ресурсына орналастырады.

73. Тендерге қатысуға өтінімдер салынған конверттерді ашу жөніндегі тендерлік комиссия отырысының хаттамасында мынадай мәліметтер қамтылуы тиіс:

1) отырысты өткізу күні, уақыты мен орны;

2) тендерлік комиссияның құрамы;

3) тендерге қатысуға өтінімдерді тіркеу журналына сәйкес хронологиялық тәртіппен өтінімдерді беру күні мен уақытын көрсетіп, белгіленген мерзімдерде өтінімдерді берген әлеуетті өнім берушілердің атауы, заңды мекенжайы;

4) өтінімнің мазмұны, баға ұсыныстарында әлеуетті өнім беруші мәлімдеген бағалар мен жеңілдіктер (болған кезде) туралы ақпарат;

5) тендерге қатысуға өтінімдердің кері қайтарылуы және өзгеруі туралы ақпарат;

6) конверттерді ашу жөніндегі тендерлік комиссия отырысының барысында өтініш берген әлеуетті өнім берушілердің уәкілетті өкілдерінің тендерлік комиссияның іс-әрекеттеріне (немесе әрекетсіздігіне) қарсы шағымдары немесе қарсылықтары.

74. Тендерге қатысуға өтінімдер болмаған жағдайда тендерге қатысуға өтінімдер салынған конверттерді ашу жөніндегі тендерлік комиссия отырысының хаттамасы ресімделмейді.

6.6. Тендерге қатысуға өтінімдерді қарау және тендердің қорытындыларын шығару

75. Тендерге қатысуға өтінімдерді тендерлік комиссия тендерлік құжаттаманың талаптарына өтінімнің сәйкестігі мәніне қарайды. Тендерлік құжаттамада көрсетілген негіздемелер бойынша кері қайтарылмаған өтінімдерді ең төменгі баға ұсынған тендер жеңімпазын таңдау мақсатында тендерлік комиссия салыстырып, бағалайды.

76. Өтінімдерді тендерлік комиссия тендерге қатысуға өтінімдер салынған конверттерді ашу күнінен бастап 10 (он) жұмыс күнінен аспайтын мерзімде қарайды.

Күрделі техникалық сипаттамалары мен ерекшеліктері бар тауарларды, жұмыстарды, қызметтерді сатып алуды өткізу кезінде өтінімдерді тендерлік комиссия сараптама комиссиясын (сарапшыны) тарта отырып, тендерге қатысуға өтінімдер салынған конверттерді ашу күнінен бастап 30 (отыз) жұмыс күнінен аспайтын мерзімде қарауы мүмкін (қажет болған жағдайда). Бұл жағдайда осы ақпарат тендерлік құжаттамада қамтылуы тиіс.

77. Өтінімдерді қарау кезінде тендерлік комиссия:

1) әлеуетті өнім берушілерден өтінімдерді қарау, бағалау және салыстыру үшін қажетті материалдар мен түсіндірулерді (ұсынылған баға (жеңілдіктер) және техникалық ерекшеліктерді қоспағанда) сұратуға;

2) өтінімдерде қамтылған мәліметтерді нақтылау мақсатында тиісті мемлекеттік органдардан, жеке және заңды тұлғалардан қажетті ақпаратты сұратуға құқылы.

Бұл орайда, тендерге қатысуға өтінімдерді өтінімді жеткіліксіз құжаттармен толықтырумен, құжаттарды ауыстырумен, тиісінше ресімделмеген құжаттарды сәйкес келтірумен қорытындыланған тендерлік құжаттаманың талаптарына сәйкес келтіруге байланысты тендерлік комиссияның сұратулар мен өзге де іс-әрекеттеріне жол берілмейді.

78. Мынадай ресми негіздемелер бойынша тендерге қатысуға өтінімді қабылдамауға жол берілмейді:

1) тендерге қатысуға өтінімде (ұсынылып отырған баға (жеңілдік), техникалық ерекшелік, тендерге қатысуға өтінімді қамтамасыз етуге енгізуді растайтын құжатты қоспағанда) қате, жаңылыс, жаңылыс жазудың болуы.

2) тендерлік комиссияның тендерге қатысуға өтінімдерді бағалау мен салыстыруға әсер етпейтін (ұсынылып отырған баға (жеңілдік), техникалық ерекшелік, тендерге қатысуға өтінімді қамтамасыз етуді қоспағанда) берілген құжаттардың нысандарында ақпараттың (банктік деректемелер, куәліктер нөмірлері және басқа ақпараттар) көрсетілмеуі.

79. Егер неғұрлым үздік функционалдық және басқа да сипаттамалары бар тауарлар мен көрсетілетін қызметтер ұсынылса, сондай-ақ неғұрлым үздік технологиялық шешімдер және/немесе жақсы материалдардан жұмыстарды орындау ұсынылса, әлеуетті өнім берушінің техникалық ерекшелігінің тендерлік құжаттамада көрсетілген техникалық ерекшелікке сәйкес келмеуіне жол беріледі. Бұл ақпарат сараптама комиссиясының (сарапшының) сараптамалық қорытындысында көрсетілуі тиіс (күру, тарату жағдайларында).

80. Тендерлік комиссия мынадай:

1) тендерге қатысуға өтінім тендерлік құжаттама талаптарына сәйкес келмейді деп танылған;

2) егер әлеуетті өнім беруші осы тендерге (лотқа) қатысуға өтінім берген басқа әлеуетті тұлғаның аффилиирленген тұлғасы болған;

3) егер әлеуетті өнім берушінің баға ұсынысы сатып алу үшін бөлінген сомадан асқан;

4) тармақшаға Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. кара)

4) егер әлеуетті өнім беруші және/немесе оның қосалқы мердігері (бірге орындаушысы)/консорциумға кіретін заңды тұлға сенімсіз әлеуетті өнім берушілердің (өнім берушілердің) тізбесіне кірген жағдайларда, өтінімді қабылдамайды.

81. Қабылданған өтінімдерді тендерлік құжаттамада қамтылған өлшемдерге сәйкес тендерлік комиссия салыстырып, бағалайды. Тендердің жеңімпазы тендерлік құжаттамадағы өлшемдерді пайдалануды ескере отырып, есептелетін ең төменгі шартты баға негізінде анықталады.

Салыстыру және бағалау қорытындылары бойынша екінші орын алған әлеуетті өнім беруші тендерлік құжаттамада қамтылған өлшемдерді қолдануды ескере отырып, есептелетін ең төменгі шартты баға негізінде анықталады.

Тендерлік баға ұсыныстарының шартты бағалары тең болған жағдайда тендерге қатысуға өтінімін бұрын ұсынған әлеуетті өнім беруші жеңімпаз (немесе салыстыру және бағалау қорытындылары бойынша екінші орынға ие болған әлеуетті өнім беруші) болып танылады.

82. Тендердің қорытындылары хаттамамен ресімделеді. Тендер қорытындылары туралы хаттамаға тендерлік комиссияның мүшелері мен хатшысы әр бетіне қол қояды.

83. Тендер қорытындылары туралы хаттамада мынадай ақпарат қамтылуы тиіс:

1) қорытындыларды шығару орны мен уақыты туралы;

2) тендерге қатысуға әлеуетті өнім берушілерден түскен өтінімдер

туралы;

3) қосылған құн салығын есепке алмай, сатып алу жоспарында көзделген сатып алу үшін бөлінген сома туралы;

4) қабылданбаған өтінімдер, қабылданбау негіздемелері туралы;

5) тендерлік құжаттаманың талаптарына сәйкес келді деп танылған әлеуетті өнім берушілер туралы;

6) бағалау өлшемдерін қолдану нәтижелері туралы;

7) тендердің қорытындылары туралы;

8) егер тендер болып өткен жағдайда, сатып алу туралы шартты жасасу сомасы мен мерзімдері туралы;

9) тендердің жеңімпазы туралы, сондай-ақ екінші орын алған әлеуетті өнім беруші туралы;

10) Ереженің 77-тармағына сәйкес сұраулар әлеуетті өнім берушілерге, тиісті мемлекеттік органдарға, жеке және заңды тұлғаларға жіберілгені туралы мәліметтер;

11) тендерлік комиссияның қалауы бойынша өзге ақпарат.

84. Тендерді тендерлік комиссия мынадай:

1) тендерге қатысуға берілген өтінімдер болмаған;

2) тендерге қатысуға әлеуетті өнім берушілер 2 (екі) өтінімнен кем өтінім тапсырған;

3) егер Ереженің 80-тармағында көзделген негіздемелер бойынша тендерлік комиссия қабылдамағаннан кейін әлеуетті өнім берушілердің тендерге қатысуға кемінде 2 (екі) өтінімі қалса;

4) жеңімпаз және екінші орын алған әлеуетті өнім беруші сатып алу туралы шартты жасасудан бас тартқан;

5) тендердің жеңімпазы сатып алу туралы шартты орындауды қамтамасыз етуді және/немесе Ереженің 88-тармағына сәйкес алдын ала төлем/аванс сомасына сатып алу туралы шартты орындауды қамтамасыз етуді (егер сатып алу шарттарымен мұндай қамтамасыз ету көзделсе) ұсынбаған жағдайларда өткізілмеді деп таниды.

85. Егер тендер тәсілімен сатып алу өткізілмеді деп танылса, тапсырыс беруші мынадай шешімдердің біреуін қабылдауға құқылы:

1) тендер тәсілімен сатып алуды қайта өткізу туралы;

2) тендерлік құжаттаманы өзгерту және тендер тәсілімен сатып алуды қайта өткізу туралы;

3) бір көзден алу тәсілімен сатып алуды жүзеге асыру туралы.

86. Ереженің 85-тармағының 3) тармақшасына сәйкес бір көзден алу тәсілімен сатып алуды жүзеге асырған жағдайда, тапсырыс беруші тендерлік құжаттамада көзделген талаптармен сатып алу туралы шартты жасасады.

87. Сатып алуды ұйымдастырушы тендер қорытындылары туралы хаттамаға қол қойған күннен бастап 3 (үш) жұмыс күнінен кешіктірмей:

1) жеңімпазға хабарлама жібереді;

2) тендер қорытындылары туралы хаттаманы тапсырыс берушінің интернет-ресурсына орналастырады.

88. Тендерлік құжаттамаға сатып алу туралы шарттың жобасымен

көзделген сатып алу туралы шарттың орындалуын қамтамасыз етуді енгізуді тендер жеңімпазы банктік кепілдік түрінде сатып алу туралы шартты жасаған күннен бастап 10 (он) жұмыс күні ішінде ұсынады.

Тапсырыс беруші алдын ала төлем/аванс сомасына сатып алу туралы шарттың орындалуын қамтамасыз етуді енгізуді көздеуге және ұсыну мерзімін белгілеуге құқылы, ал ол болмаған жағдайда алдын ала төлем/аванс сомасын тапсырыс беруші банктік кепілдіктің ұсынылуына қарай аударады.

Егер банктік кепілдік көрсетілген мерзімде ұсынылмаған болса, онда тапсырыс беруші бір жақты тәртіппен сатып алу туралы жасалған шартты бұзады, әлеуетті өнім беруші енгізген тендерге қатысуға өтінімді қамтамасыз ету ұсталады және тендерлік комиссия тендердің жеңімпазы ретінде салыстыру және бағалау қорытындысы бойынша екінші орынды иеленген әлеуетті өнім берушіні белгілейді.

89. Тендерлік комиссияның салыстыру және бағалау қорытындысы бойынша екінші орынды иеленген әлеуетті өнім берушіні тендер жеңімпазы деп белгілеуі туралы шешімі салыстыру және бағалау қорытындысы бойынша екінші орынды иеленген әлеуетті өнім берушіні тендер жеңімпазы деп белгілеу туралы хаттамамен ресімделеді, онда сатып алу туралы шартты жасау сомасы мен мерзімдері қамтылуы тиіс. Сатып алуды ұйымдастырушы хаттамаға қол қойылған күннен бастап 3 (үш) жұмыс күнінен кешіктірмей:

1) жеңімпазға хабарлама жібереді;

2) салыстыру және бағалау қорытындылары бойынша екінші орынды иеленген әлеуетті өнім берушіні тендердің жеңімпазы деп белгілеу туралы хаттаманы тапсырыс берушінің интернет-ресурсына орналастырады.

90) тармақтың бірінші абзацы Қамқоршылық кеңестің 2012 жылғы 12 қарашадағы № 7 шешіміне сәйкес мына редакцияда мазмұндалады (ескі ред. кара)

90. Тапсырыс беруші тендердің қорытындылары туралы хаттамаға/салыстыру және бағалау қорытындылары бойынша екінші орынды иеленген әлеуетті өнім берушіні тендердің жеңімпазы деп белгілеу туралы хаттамаға қол қойған күннен бастап 10 (он) жұмыс күні ішінде сатып алу туралы шарттың жобасына қол қояды және оны әлеуетті өнім берушіге жібереді.

Тапсырыс беруші қол қойылған сатып алу туралы шарттың жобасын әлеуетті өнім берушіге ұсынған күннен бастап 5 (бес) жұмыс күні ішінде әлеуетті өнім беруші сатып алу туралы шарттың жобасына қол қоюға тиіс.

Ереже Қамқоршылық кеңестің 2012 жылғы 12 қарашадағы № 7 шешіміне сәйкес 90-1-тармақпен толықтырылды (ескі ред. кара)

90-1. Егер әлеуетті өнім беруші тендердің қорытындысы туралы хаттамамен белгіленген мерзім ішінде тапсырыс берушіге сатып алу туралы қол қойылған шартты ұсынбаса, онда тапсырыс беруші осындай әлеуетті өнім беруші (өнім берушіні) туралы мәліметті «Назарбаев Университеті» Атқарушы органымен белгіленген тәртіппен Сенімсіз әлеуетті өнім берушілердің (өнім берушілердің) тізбесіне енгізу үшін ақпарат жібереді, сатып алуды ұйымдастырушы тендерге қатысуға берілген өтінімге әлеуетті өнім беруші енгізген қамтамасыз етуді ұстап қалады және тендерлік комиссия салыстыру және бағалау қорытындылары бойынша екінші орын

алған әлеуетті өнім берушіні тендердің жеңімпазы деп белгілейді.

91) тармақтың бірінші абзацы Қамқоршылық кеңестің 2012 жылғы 12 қарашадағы № 7 шешіміне сәйкес мына редакцияда мазмұндалады (ескі ред. қара)

91. Күрделі техникалық сипаттамалары мен ерекшеліктері бар тауарларды, жұмыстарды, қызметтерді сатып алуды өткізу кезінде (қажет болған жағдайда), сондай-ақ Ереженің 57-тармағы 3) тармақшасының екінші абзацымен көзделген жағдайларда, қорытындылар туралы хаттамаға/салыстыру және бағалау қорытындылары бойынша екінші орынды иеленген әлеуетті өнім берушіні тендердің жеңімпазы деп белгілеу туралы хаттамаға қол қойылған күнінен бастап 50 (елу) күнтізбелік күннен аспайтын мерзімде тендердің қорытындысы бойынша сатып алу туралы шарт жасалады. Мұндай жағдайда бұл ақпарат тендерлік құжаттамада қамтылуы тиіс.

Ереженің 57-тармағы 3) тармақшасының екінші абзацымен көзделген жағдайларда әлеуетті өнім берушінің - Қазақстан Республикасының резиденті еместің лицензияның нотариалды куәландырылған көшірмесін және/немесе мемлекеттік электрондық тізбеден алынған электрондық лицензияның деректерін тексеру үшін электрондық лицензияның көшірмесін ұсынуы сатып алу туралы шартты жасаудың талабы болып табылады және оны/оларды көрсетілген мерзімдерде ұсынбаған жағдайда сатып алуды ұйымдастырушы әлеуетті өнім беруші - Қазақстан Республикасының резиденті емес енгізген тендерге қатысуға өтінімді қамтамасыз етуді ұстап қалады және тендерлік комиссия салыстыру мен бағалау қорытындылары бойынша екінші орынды иеленген әлеуетті өнім берушіні тендердің жеңімпазы деп белгілейді, бұл ретте Ереженің 89-тармағында көзделген іс-шаралар жүргізіледі.

92. Өткізілген сатып алу талаптарының мазмұнын өзгертуі мүмкін сатып алу туралы шарт жобасының елеулі талаптарына өзгерістер және/немесе толықтырулар енгізуге рұқсат етілмейді.

93. Сатып алу туралы шартты орындауды қамтамасыз етуді және/немесе Ереженің 88-тармағына сәйкес алдын ала төлем/аванс сомасына сатып алу туралы шартты орындауды қамтамасыз етуді (егер осындай жағдай сатып алу туралы шарттың жобасында және тендерлік құжаттамада көзделген болса) енгізбеген өнім беруші туралы мәліметтерді тапсырыс беруші осындай өнім беруші туралы мәліметті сенімсіз әлеуетті өнім берушілердің (өнім берушілердің) тізбесіне енгізуге жібереді.

94. Өткізілген тендерде бұзушылықтар анықталған жағдайда, тендерлік комиссия сатып алу туралы шартты жасаған сәтке дейін тендер қорытындыларының/тендер қорытындысының күшін жоюға, тапсырыс берушінің интернет-ресурсында орналастыру арқылы тендерге қатысуға өтінімдерді ұсынған барлық әлеуетті өнім берушілерді осы шешім туралы хабардар етуге, әлеуетті өнім берушілерге тендерге қатысуға өтінімдерді қамтамасыз етуді қайтаруға міндетті.

7. Екі кезенді тендер өткізу тәсілімен сатып алу

95. Тендерлер екі кезеңді рәсімдерді пайдалана отырып:

1) сатып алынатын тауарлардың, жұмыстардың, қызметтердің техникалық сипаттамалары мен ерекшеліктерін тұжырымдау қиын болған;

2) тапсырыс берушінің мұқтаждықтарын қанағаттандырудың ықтимал жолдармен таныстыру және олардың ең үздігін таңдау қажеттілігі болған;

3) тендердің екінші кезеңінде тауарларды, жұмыстарды, қызметтерді сатып алуды жүзеге асыратын тендерге қатысушылардың тізбесін тендердің бірінші кезеңінде қалыптастыру орынды болған жағдайларда өткізілуі мүмкін.

96) тармағының екінші абзацқа Қамқоршылық кеңестің 2014 жылғы 30 наурыздағы № 14 шешіміне сәйкес өзгерістер енгізілді (ескі ред. кара)

96. Екі кезеңді тендер тәсілімен сатып алу рәсімі мынадай дәйекті іс-шараларды өткізуді көздейді:

1) бірінші кезеңде мынадай іс-шаралар жүзеге асырылады:

екі кезеңді тендер тәсілімен тауарларды, жұмыстарды, қызметтерді сатып алуды өткізу, тендерлік құжаттаманы бекіту туралы тапсырыс берушінің бірінші басшысының, не тапсырыс берушінің бірінші басшысы орынбасарының, не өзге уәкілетті тұлғасының шешім қабылдауы;

тендерлік комиссияның, сараптама комиссиясының (сарапшы) құрамын бекіту, тендерлік комиссияның хатшысын тағайындау туралы сатып алуды ұйымдастырушының шешім қабылдауы;

екі кезеңді тендер тәсілімен сатып алуды өткізу туралы хабарландыруды тапсырыс берушінің интернет-ресурсында орналастыру;

тендерлік құжаттаманы әлеуетті өнім берушілерге беру;

екі кезеңді тендердің бірінші кезеңіне қатысуға әлеуетті өнім берушілердің өтінімдерін тендерлік комиссия хатшысының қабылдауы және оны тіркеуі. Екі кезеңді тендердің бірінші кезеңіне қатысуға өтінімдер баға ұсыныстарынсыз беріледі;

екі кезеңді тендердің бірінші кезеңіне қатысуға әлеуетті өнім берушілердің өтінімдері салынған конверттерді ашу жөніндегі тендерлік комиссияның отырысы, әлеуетті өнім берушілердің өтінімдері салынған конверттерді ашу хаттамасын ресімдеу;

екі кезеңді тендердің бірінші кезеңіне қатысуға әлеуетті өнім берушілердің өтінімдерін тендерлік комиссияның қарауы, тапсырыс берушінің мұқтаждықтарын қанағаттандыру арқылы тендерлік комиссияның сатып алынатын тауарлардың, жұмыстардың, қызметтердің ұсынылған техникалық сипаттамалары мен ерекшеліктерінің негізінде әлеуетті өнім берушілерді іріктеуді жүргізуі, тендердің екінші кезеңіне қатысушылардың тізбесін қалыптастыру, екі кезеңді тендердің бірінші кезеңінің қорытындылары туралы хаттаманы ресімдеу, бірінші кезеңге қатысқан әлеуетті өнім берушілерді оның қорытындылары туралы ақпараттандыру;

2) екінші кезеңде мынадай іс-шаралар жүзеге асырылады:

қажеттілік болғанда, техникалық ерекшелікті (техникалық тапсырманы) нақтылауды қоса алғанда, тапсырыс берушінің тендерлік

құжаттамаға өзгерістер енгізуі;

тапсырыс берушінің тендердің екінші кезеңінің қатысушыларына нақтыланған тендерлік құжаттаманы және/немесе техникалық ерекшелікті (техникалық тапсырманы) және тендерлік ұсынысты беруге шақыру жіберуі;

тендердің екінші кезеңі қатысушыларының тендерлік ұсыныстарын тендерлік комиссияның қарауы, тендердің қорытындыларын шығару, тендердің қорытындылары туралы хаттаманы ресімдеу;

сатып алуды ұйымдастырушының тендердің екінші кезеңінің қатысушыларын оның қорытындылары туралы ақпараттандыруы, екі кезеңді тендердің қорытындылары туралы хаттаманы жариялау;

тапсырыс берушінің тендердің жеңімпазымен сатып алу туралы шарт жасасуы.

97. Егер Ережеде өзгеше көзделмесе, екі кезеңді тендерді өткізу кезінде тендер тәсілімен сатып алу рәсімдері пайдаланылады.

8. Баға ұсыныстарын сұрату тәсілімен сатып алу

98. Егер тапсырыс берушінің ағымдағы қаржы жылына тиісті тауарларды, жұмыстарды, қызметтерді сатып алудың жылдық жоспарында көзделген сома қосылған құн салығын есепке алмай, тиісті қаржы жылына арналған республикалық бюджет туралы заңмен белгіленген айлық есептік көрсеткіштің 5 000 (бес мың) есе мөлшерінен асып кетпесе, тауарларды, жұмыстарды, көрсетілетін қызметтерді сатып алуды жүзеге асырған жағдайда, осы тәсілді пайдалануға болады, бұл ретте тауарлардың, жұмыстардың, көрсетілетін қызметтердің біртекті түрлерін сатып алудың көлемін бөліктерге бөлшектеуге болмайды.

99) тармағының екінші абзацқа Қамқоршылық кеңестің 2014 жылғы 30 наурыздағы № 14 шешіміне сәйкес өзгерістер енгізілді (ескі ред. кара)

99. Сатып алуды ұйымдастырушы баға ұсыныстарын табыс ету мерзімі аяқталатын күнге дейін 5 (бес) жұмыс күнінен кешіктірмей, тапсырыс берушінің интернет-ресурсында электрондық хабарландыруды орналастыруға тиіс.

100. Баға ұсыныстарын сұрату тәсілімен тауарларды, жұмыстарды, қызметтерді сатып алуды жүзеге асыру туралы электрондық хабарландыруда мынадай мәліметтер қамтылуы тиіс:

1) тапсырыс берушінің/сатып алуды ұйымдастырушының толық атауы мен пошталық мекенжайы;

2) сатып алу жүзеге асырылатын тауарлар, жұмыстар, қызметтерді атауы;

3) қосылған құн салығын есепке алмай, сатып алу үшін бөлінген соманы көрсете отырып, өткізілетін сатып алудың мәні болып табылатын тауарлардың саны, орындалатын жұмыстардың, көрсетілетін қызметтердің көлемдері;

4) сатып алынатын тауарлардың, жұмыстардың, қызметтердің қысқаша сипаттамасы (техникалық шарттары көрсетіле отырып);

5) тауарларды жеткізу, жұмыстарды орындау, қызметтерді көрсету орны мен мерзімдері;

6) әлеуетті өнім берушінің баға ұсыныстарын табыс етуінің басталу және аяқталу орны, мерзімі;

7) әлеуетті өнім берушінің тауарларды жеткізу, жұмыстар орындауды, қызметтерді көрсетуге байланысты барлық шығыстарын баға ұсыныстарына енгізу қажеттігі туралы талап;

8) елеулі талаптарын көрсете отырып және техникалық ерекшеліктерді қоса беріп (болған кезде), сатып алу туралы шарттың жобасы;

9) тауарларды, жұмыстарды қызметтерді сатып алу туралы шартқа қол қоюдың талап етілетін мерзімі.

Тармақ Қамқоршылық кеңестің 2012 жылғы 12 қарашадағы № 7 шешіміне сәйкес 10) тармақшамен толықтырылды (ескі ред. қара)

10) әлеуетті өнім берушіні (өнім берушіні) сенімсіз деп танудың негіздемесі туралы ақпарат.

101. Әлеуетті өнім берушінің баға ұсынысын табыс етуі оның электрондық хабарландыруда белгіленген талаптарға сәйкес тауарларды жеткізуді, жұмыстарды орындауды, қызметтер көрсетуді жүзеге асыруға толық келісімін білдіру нысаны болып табылады.

102. Әлеуетті өнім беруші тауарларды, жұмыстарды, қызметтерді сатып алуға қатысу үшін 1 (бір) баға ұсынысын табыс етеді, онда мынадай құжаттар қамтылады:

1) мынадай мәліметтер: әлеуетті өнім берушінің атауы, заңды және нақты мекенжайы, банктік деректемелері; жеткізілетін тауарлардың, орындалатын жұмыстардың, көрсетілетін қызметтердің атауы, саны, орны мен мерзімдері; ҚҚС-ны есепке алмай, тауарлардың, жұмыстардың, қызметтердің бірлігі үшін бағасы мен жалпы бағасы көрсетіле отырып, әлеуетті өнім берушінің мөрі (болған кезде) басылған, қол қойылған баға ұсынысы;

2) заңды тұлғаны мемлекеттік тіркеу (қайта тіркеу) немесе жеке кәсіпкерді мемлекеттік тіркеу туралы куәліктің көшірмесі;

3) әлеуетті өнім берушінің мөрі басылған (болған кезде), қол қойылған техникалық ерекшеліктер және техникалық ерекшеліктермен көзделген талаптарға сәйкес ресімделген басқа құжаттар (егер тапсырыс берушінің баға ұсыныстарын сұрату тәсілімен сатып алуды өткізу туралы хабарландыруында көзделсе);

4) тармақшаға Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. қара)

4) лицензияның нотариалды куәландырылған көшірмесі және/немесе мемлекеттік электрондық тізбеден алынған электрондық лицензияның деректерін тексеру үшін электрондық лицензияның көшірмесін (сатып алу талаптарында міндетті лицензиялауға жататын қызмет деп болжанған жағдайда).

103. Әлеуетті өнім беруші – Қазақстан Республикасының резиденті емес Ереженің 102-тармағымен көзделген, Қазақстан Республикасы резиденттері тапсыратын құжаттарды немесе баға ұсыныстарын сұрату

тәсілімен тауарларды, жұмыстарды, қызметтерді сатып алуды жүзеге асыру туралы электрондық хабарландырудың тіліне нотариус куәландырған аудармасымен, ұқсас мәліметтер бар құжаттарды тапсырады.

104. Баға ұсынысы бар мөр басылған конверттің сыртқы бетінде әлеуетті өнім беруші мынаны:

1) әлеуетті өнім берушінің толық атауы мен пошталық мекенжайын;

2) баға ұсыныстарын сұрату тәсілімен тауарларды, жұмыстарды, қызметтерді сатып алуды жүзеге асыру туралы электрондық хабарландыруда көрсетілген ұқсас мәліметтерге сәйкес келуі тиіс тапсырыс берушінің/сатып алуды ұйымдастырушының атауы мен пошталық мекенжайын;

3) сатып алуға қатысу үшін әлеуетті өнім берушінің баға ұсынысы берілген тауарлардың, жұмыстардың, қызметтердің атауын көрсетуі тиіс.

105. Баға ұсынысы конвертке салынады және оны әлеуетті өнім беруші тапсырыс берушіге/сатып алуды ұйымдастырушыға электрондық хабарландыруда соңғы көрсетілген кезеңде береді.

106. Белгіленген мерзім өткеннен кейін берілген баға ұсынысы бар конверт баға ұсыныстарын тіркеу журналына тіркелмейді және әлеуетті өнім берушіге қайтарылады.

107. Тапсырыс беруші/сатып алуды ұйымдастырушы:

1) баға ұсынысы бар конвертте Ереженің 104-тармағында көзделген мәліметтердің болуын тексереді. Ереженің 104-тармағының талаптары бұзылып ресімделген, баға ұсыныстары бар конверттер тіркеуге жатпайды және әлеуетті өнім берушіге қайтарылады.

2) тиісті түрде ресімделген баға ұсыныстары бар конверттерді қабылдайды және баға ұсыныстарын тіркеу журналында мына мәліметтерді көрсетеді:

баға ұсыныстарын сұрату тәсілімен тауарларды, жұмыстарды, қызметтерді сатып алудың атауы;

тапсырыс берушінің және сатып алуды ұйымдастырушының толық атауы, олардың пошталық мекенжайы;

әлеуетті өнім беруші өкілінің тегі, аты, әкесінің аты;

әлеуетті өнім берушінің толық атауы мен пошталық мекенжайы,

әлеуетті өнім берушінің баға ұсынысын тіркеу күні мен уақыты.

108. Баға ұсыныстарын тіркеу журналында бас тарту себептері баяндалған, баға ұсыныстарын тіркеуден бас тартылған әлеуетті өнім берушілердің тізімі көрсетілуі тиіс. Баға ұсыныстарын тіркеу журналы тігілуі, беттері нөмірленуі және әр бетіне сатып алуды ұйымдастырушының жауапты қызметкерінің қолы қойылуы, баға ұсыныстарын тіркеу журналының соңғы бетінде сатып алуды ұйымдастырушының жауапты қызметкерінің қолы қойылуы және сатып алуды ұйымдастырушының мөрі басылуы тиіс.

109) тармақшаға Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. кара)

109. Тапсырыс беруші/сатып алуды ұйымдастырушы әлеуетті өнім берушілердің баға ұсыныстарын табыс етудің түпкілікті мерзімінен бастап 3

(үш) жұмыс күні ішінде конвертті ашады және олардың баға ұсыныстарын сұрату тәсілімен тауарларды, жұмыстарды, қызметтерді сатып алуды жүзеге асыру туралы электрондық хабарландырудың талаптарына сәйкестігін қарастырады және ең төменгі баға ұсынысын берген жеңімпазды анықтайды.

110. Қамқоршылық кеңестің 2012 жылғы 12 қарашадағы № 7 шешіміне сәйкес алынып тасталды (ескі ред. қара)

111. Егер ең төменгі баға ұсынысын бірнеше әлеуетті өнім беруші табыс еткен болса, онда баға ұсынысы басқа әлеуетті өнім берушілердің баға ұсыныстарынан ертерек түскен әлеуетті өнім беруші жеңімпаз деп танылады.

112. Мынадай жағдайларда әлеуетті өнім берушінің баға ұсынысы қабылданбауға тиіс, егер:

1) осы тауарларды, жұмыстарды, қызметтерді сатып алу үшін бөлінген сомадан асып кетсе;

2) әлеуетті өнім беруші ұсынатын тауарлар, жұмыстар мен қызметтер тапсырыс берушінің техникалық ерекшеліктерінің талаптарына сәйкес келмесе;

3) әлеуетті өнім беруші тауарларды жеткізудің, жұмыстарды орындаудың, қызметтерді көрсетудің елеулі талаптарын, сондай-ақ сатып алынатын тауарлардың, жұмыстардың, қызметтердің елеулі сипаттамаларын ұсынған жағдайлардан басқа, әлеуетті өнім беруші сатып алу талаптарымен келіспесе, не оны өзгертуді және/немесе толықтыруды ұсынса;

4) әлеуетті өнім беруші 1 (бірден) артық баға ұсынысын ұсынған болса;

5) тармақшаға Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. қара)

5) әлеуетті өнім беруші және/немесе оның қосалқы мердігері (бірге орындаушы)/консорциумға кіретін заңды тұлға Сенімсіз әлеуетті өнім берушілер (өнім берушілер) тізімінде тұрса.

113) тармағына Қамқоршылық кеңестің 2014 жылғы 30 наурыздағы № 14 шешіміне сәйкес өзгерістер енгізілді (ескі ред. қара)

113. Баға ұсыныстарын сұрату тәсілімен тауарларды, жұмыстарды, қызметтерді сатып алуды жүзеге асыру туралы электрондық хабарландыру талаптарына сәйкестікке әлеуетті өнім берушілердің баға ұсыныстарын қарастыру қорытындылары бойынша тапсырыс берушінің/сатып алуды ұйымдастырушының бірінші басшысының не тапсырыс берушінің/сатып алуды ұйымдастырушының бірінші басшысы орынбасарының, не өзге уәкілетті тұлғасының шешімімен баға ұсыныстарын сұрату тәсілімен тауарларды, жұмыстарды, қызметтерді сатып алу қорытындылары бекітіледі.

114. Баға ұсыныстарын сұрату тәсілімен тауарларды, жұмыстарды, қызметтерді сатып алудың қорытындыларын бекіту туралы шешімде мынадай:

1) тапсырыс берушінің/сатып алуды ұйымдастырушының толық атауы, оның пошталық мекенжайы;

2) өткізілген таураларды, жұмыстарды, қызметтерді сатып алудың атауы;

3) баға ұсыныстарын табыс еткен түпкілікті мерзім аяқталғанға дейін

тізбекті ұсынымды, олар өтініш жасаған тауарларға, жұмыстарға, қызметтерге арналған бағаны берген әлеуетті өнім берушілердің толық атауы;

4) бас тартылған баға ұсыныстары, бас тарту негіздемелері туралы;

5) баға ұсыныстарын сұрату тәсілімен сатып алудың жеңімпазы туралы, сондай-ақ екінші орынды иеленген әлеуетті өнім беруші туралы мәліметтер болуы тиіс.

Сатып алуды ұйымдастырушы баға ұсыныстарын сұрату тәсілімен сатып алу қорытындылары бекітілген күннен бастап 2 (екі) жұмыс күнінен кешіктірмей шешімді тапсырыс берушінің интернет-ресурсында орналастыруға міндетті.

115. Тапсырыс беруші баға ұсыныстарын сұрату тәсілімен сатып алудың қорытындылары бекітілген күннен бастап 5 (бес) жұмыс күні ішінде сатып алу туралы шартқа қол қояды және оны жеңімпазға жібереді.

Сатып алу туралы шарттың жобасына сатып алу жеңімпазы не Ереженің 117-тармағының 2)-тармақшасына сәйкес анықталған жеңімпаз оған тапсырыс беруші қол қойылған сатып алу туралы шарттың жобасын табыс еткен күннен бастап 5 (бес) жұмыс күні ішінде қол қоюға тиіс.

Өткізілген сатып алу талаптарының мазмұнын өзгертуі мүмкін сатып алу туралы шарт жобасының елеулі талаптарына өзгерістер және/немесе толықтырулар енгізуге рұқсат етілмейді.

116. Егер әлеуетті өнім беруші тапсырыс берушіге қол қойылған сатып алу туралы шартты белгіленген мерзімде ұсынбаса, онда мұндай әлеуетті өнім беруші сатып алу туралы шартты жасасудан жалтарған деп танылады.

117. Әлеуетті өнім беруші сатып алу туралы шартты жасасудан жалтарған деп танылған жағдайда, тапсырыс беруші:

1) «Назарбаев Университеті» Аткарушы органы белгілеген тәртіппен осындай өнім берушіні Сенімсіз әлеуетті өнім берушілердің (өнім берушілердің) тізбесіне енгізуге ақпарат жібереді;

2) баға ұсыныстарын сұрату тәсілімен өткізілген сатып алу талаптарымен екінші орынды иеленген әлеуетті өнім берушімен сатып алу туралы шарт жасасады.

118. Сатып алуды ұйымдастырушы баға ұсыныстарын сұрату тәсілімен сатып алуды мынадай:

1) берілген баға ұсыныстары болмаған;

2) кемінде 2 (екі) баға ұсынысы берілген;

3) Ереженің 112-тармағында көзделген негіздер бойынша баға ұсыныстарын қабылдамағаннан кейін әлеуетті өнім берушілердің кемінде 2 (екі) баға ұсынысы қалғанда;

4) тармақша Қамқоршылық кеңестің 2012 жылғы 12 қарашадағы № 7 шешіміне сәйкес мына редакцияда мазмұндалады (ескі ред. кара)

4) Жеңімпаздың/екінші орынды иеленген әлеуетті өнім беруші сатып алу туралы шартты жасасудан бас тартқан жағдайда өткізілмеді деп таниды.

119. Баға ұсыныстарын сұрату тәсілімен сатып алу өткізілмеді деп

танылған жағдайда, тапсырыс беруші:

- 1) баға ұсыныстарын сұрату тәсілімен қайта сатып алуды өткізуге;
- 2) электрондық хабарландырудың елеулі талаптарын өзгертуге және баға ұсыныстарын сұрату тәсілімен қайта сатып алуды өткізуге;
- 3) бір көзден алу тәсілімен сатып алуды жүзеге асыруға құқылы.

120. Баға ұсыныстарын сұрату тәсілімен өткізілетін сатып алуда бұзушылықтар анықталған жағдайда, сатып алуды ұйымдастырушы сатып алу туралы шарт жасалатын сәтке дейін баға ұсыныстарын сұрату тәсілімен тауарларды, жұмыстарды, қызметтерді сатып алудың қорытындысын бекіту туралы шешімді жоюға, баға ұсыныстарын табыс еткен барлық әлеуетті өнім берушілерді тапсырыс берушінің интернет-ресурсына тиісті шешімді орналастыру арқылы осы шешім туралы хабардар етуге міндетті.

9. Қамқоршылық кеңестің 2014 жылғы 30 наурыздағы № 14 шешіміне сәйкес алынып тасталды (ескі ред. кара)

121. Қамқоршылық кеңестің 2014 жылғы 30 наурыздағы № 14 шешіміне сәйкес алынып тасталды (ескі ред. кара)

122. Қамқоршылық кеңестің 2014 жылғы 30 наурыздағы № 14 шешіміне сәйкес алынып тасталды (ескі ред. кара)

10. Бір көзден сатып алу

123) тармағына Қамқоршылық кеңестің 2014 жылғы 30 наурыздағы № 14 шешіміне сәйкес өзгерістер енгізілді (ескі ред. кара)

123. Егер Ереженің 16-тармағының 1), 2), 4) тармақшаларында көзделген тәсілдердің біреуімен жасалған сатып алу өткізілмеді деп танылған жағдайда, бір көзден сатып алу тапсырыс берушінің бірінші басшысының немесе оны өзге уәкілетті тұлғасының шешімі негізінде жүзеге асырылады.

124. Егер тендер тәсілімен сатып алу Ереженің 84-тармағы 3) тармақшасының негізінде және әлеуетті өнім берушінің тендерде қатысуға бас тартылмаған тек бір ғана өтінімінің болуымен өткізілмеді деп танылған жағдайда, тапсырыс беруші осы әлеуетті өнім берушіде сатып алуды жүзеге асыруға құқылы.

Егер баға ұсыныстарын сұрату тәсілімен сатып алу Ереженің 118-тармағы 3) тармақшасының негізінде және әлеуетті өнім берушінің тек бір ғана бас тартылмаған баға ұсынысының болуымен өткізілмеді деп танылған жағдайда, тапсырыс беруші осы әлеуетті өнім берушіде бір көзден сатып алуды жүзеге асыруға құқылы.

Бұл ретте сатып алу туралы шарт онымен оның тендерге қатысуға берген өтінімінде, баға ұсынысымен қарастырылған жағдайда жасалуы тиіс. Мұндай жағдайда сатып алу туралы жасалған шарттың бағасы тендерге қатысуға өтінімде, барлық салықтар мен бюджетке төленетін басқа да міндетті төлемдерді есепке ала отырып, баға ұсынысында көрсетілген бағадан аспауы тиіс.

125. Егер тендер, баға ұсыныстарын сұрату, электрондық сатып алу тәсілімен сатып алу Ереженің 124-тармағынан басқа негіздемелер бойынша

өткізілмеді деп танылса, тапсырыс беруші әлеуетті өнім берушіге сатып алуға қатысуға жазбаша шақыруды жібереді, онда мынадай мәліметтер қамтылуға тиіс:

- 1) тапсырыс берушінің атауы мен орналасқан орны;
- 2) қажет болған жағдайда техникалық ерекшелігін, жоспарларын, сызбалары мен нобайларын қоса алғанда, нормативтік-техникалық құжаттамасы көрсетіле отырып, сатып алынатын тауарлардың, жұмыстардың, қызметтердің сипаттамасы және талап етілетін техникалық, сапалық және пайдалану сипаты;
- 3) өткізілетін сатып алудың мәні болып табылатын тауарлардың саны, орындалатын жұмыстар, көрсетілетін қызметтер көлемдері;
- 4) тауарды жеткізудің, жұмыстарды орындаудың, қызметтер көрсетудің орны;
- 5) тауарды жеткізудің, жұмыстарды орындаудың, қызметтер көрсетудің талап етілетін мерзімдері, ұсынылатын тауарлардың, жұмыстардың, көрсетілетін қызметтердің сапасына кепілдік беру;
- 6) төлем шарттары;
- 7) елеулі талаптары көрсетілген сатып алу туралы шарттың жобасы;

126) тармағының екінші және үшінші абзацтар Қамқоршылық кеңестің 2014 жылғы 30 наурыздағы № 14 шешіміне сәйкес мына редакцияда мазмұндалады (ескі ред. қара)

126. Бір көзден алу тәсілімен өткізілетін сатып алудың мәні болып табылатын тауарларды жеткізуді, жұмыстарды орындауды, қызметтер көрсетуді жүзеге асыруға ниет білдірген әлеуетті өнім беруші белгіленген мерзімде тапсырыс берушіге мынадай ақпаратты:

техникалық ерекшелікті және техникалық ерекшелікте көзделген талаптарға сәйкес ресімделген өзге де құжаттарды (егер осындай жүргізілген сатып алудың талаптарында көзделген болса);

әлеуетті өнім беруші тартқан қосалқы мердігерлер (бірлесіп орындаушылар) туралы мәліметтер;

баға ұсыныстары.

Қажет болған жағдайда тапсырыс беруші әлеуетті өнім берушінің сатып алынатын тауарларды, жұмыстарды, қызметтерді жеткізуді жүзеге асыру мүмкіндігін анықтау мақсатында қосымша ақпарат немесе құжаттарды сұратуға құқылы.

127. Тапсырыс беруші бір көзден алу тәсілімен тауарларды, жұмыстарды, қызметтерді сатып алуды жүзеге асыру туралы шешім қабылданған күннен бастап 20 (жиырма) жұмыс күні ішінде сатып алу туралы шарттың жобасына қол қояды және сатып алу туралы шарттың жобасын әлеуетті өнім берушіге жібереді.

Сатып алу туралы шарттың жобасына әлеуетті өнім беруші оған тапсырыс беруші қол қойылған сатып алу туралы шарттың жобасын ұсынған күннен бастап 5 (бес) жұмыс күні ішінде қол қоюға тиіс.

128. Егер әлеуетті өнім беруші қол қойылған сатып алу туралы шартты тапсырыс берушіге белгіленген мерзімде ұсынбаса, онда мұндай

әлеуетті өнім беруші сатып алу туралы шартты жасасудан жалтарған деп танылады.

11. Электрондық сатып алуды өткізу

129. Электрондық сатып алуды өткізу «Назарбаев Университеті» Атқарушы органы белгілеген тәртіппен электрондық сатып алуды жүргізу қағидасына сәйкес жүзеге асырылады.

Ереже Қамқоршылық кеңестің 2013 жылғы 02 желтоқсандағы № 13 шешіміне сәйкес 11-1 бөлімімен толықтырылды

11-1 Сатып алуды жүзеге асырудың ерекше тәртібі

129-1. Ерекше тәртіпті қолданып сатып алу «Назарбаев Университеті» Қамқоршы кеңесінің мақұлдауымен «Назарбаев Университеті» Атқарушы органы айқындаған тәртіппен жүзеге асырылады.

129-2) тармақша Қамқоршылық кеңестің 2014 жылғы 30 наурыздағы № 14 шешіміне сәйкес мына редакцияда мазмұндалады (ескі ред. қара)

129-2 Ерекше тәртіпті қолдана отырып сатып алу Ереженің 15-тармағы 26) тармақшасын қоспағанда, салынып жатқан тұрғын үйді сатып алған және «Назарбаев Университеті» мен оның ұйымдарының қызметкерлері үшін инвестициялық жобалар шеңберінде тұрғын үй кешендерін салу жағдайларында жүзеге асырылады.

12. Сатып алу туралы шартты жасасу

130. Сатып алу туралы шарт тендерлік құжаттаманың, электрондық сатып алудың немесе баға ұсыныстарын сұрату тәсілімен тауарларды, жұмыстарды, қызметтерді сатып алуды жүзеге асыру туралы хабарландырудың бөлігі болып табылатын сатып алу туралы шарттар жобаларының талаптарына сәйкес жасалады.

Сатып алу туралы шарттың бағасы берік болып табылады және Ереженің 132-тармағында көзделген жағдайларды қоспағанда, оның орындалу барысында ұлғаю жағына өзгертілмейді.

131. Егер әлеуетті өнім беруші сатып алу туралы қол қойылған шартты белгіленген мерзімде тапсырыс берушіге табыс етпесе немесе сатып алу туралы шартты жасасып, көзделген мерзімдерде сатып алу туралы шартты орындауды қамтамасыз етуді және/немесе сатып алу туралы шартқа сәйкес алдын ала төлем/аванс сомасына сатып алу туралы шартты орындауды қамтамасыз етуді енгізбесе, онда мұндай әлеуетті өнім беруші сатып алу туралы шартты жасасудан жалтарған деп танылады.

132) тармақ Қамқоршылық кеңестің 2014 жылғы 30 наурыздағы № 14 шешіміне сәйкес мына редакцияда мазмұндалады (ескі ред. қара)

132. Сатып алу туралы шартқа осы тармақта көзделген жағдайлардан басқа, шарттың мәні, шарттың бағасы, тауарларды жеткізудің, жұмыстарды орындаудың, қызметтерді көрсетудің мерзімі сияқты, өнім берушінің

таңдауы үшін негіз болып табылатын талаптарға әсер ететін өзгерістер енгізілмейді.

Сатып алу туралы шартқа өзгерістер енгізу Ереженің ережелері және Қазақстан Республикасының заңнамалары ескеріле отырып, тараптардың өзара келісімі бойынша мынадай жағдайларда:

1) тауарларға, жұмыстарға, қызметтерге бағалардың азаюы және тиісінше сатып алу туралы шарт сомасының азаюы бөлігінде;

2) сатып алынатын тауарлар, жұмыстар, қызметтер көлемінде тапсырыс берушінің қажеттілігін арттыруға байланысты сатып алу туралы шарттың бағасын арттыру бөлігінде, сондай-ақ тауар бірлігі үшін баға сатып алынатын жұмыстардың, қызметтердің көлемі, оның ішінде Бюджетке және тапсырыс берушінің атқарушы органының шешіміне сәйкес кейінгі қаржы жылдары, алайда 3 (үш) жылдан астам емес мерзімге сатып алу туралы шарттың орындалу мерзімін тиісті өзгерту бөлігінде;

3) тауарды жеткізу, жұмыстарды орындау, қызметтерді көрсету мерзімін өзгерту бөлігінде, егер өнім беруші тауар бірлігі, жұмыстың бағасы, қызмет үшін бағасы өзгерілмеген, сатып алу шартының мәні болып табылатын барынша жақсы сапалы және/немесе техникалық сипаттамаларды немесе тауарды жеткізу, жұмысты орындау, қызмет көрсету мерзімін және/немесе жағдайларын ұсынғанда;

4) Қазақстан Республикасының сәулет, қала құрылысы және құрылыс қызметі туралы заңнамасына сәйкес мемлекеттік сараптамадан өткен, бекітілген жобалау-сметалық құжаттамаға сәйкес сатып алу туралы шарттың бағасын өзгерту бөлігінде;

5) сатып алу туралы шарттың мәні болып табылатын жұмыстарды жүзеге асыруға кедергі жасайтын қолайсыз климаттық жағдайлар себебі бойынша құрылыс жұмыстарын, инженер қызметін жүзеге асыру кезінде, сондай-ақ сатып алу туралы шартты уақтылы орындауға кедергі тудыратын құрылыс алаңында тапсырыс беруші әрекетіне және/немесе тапсырыс берушінің басқа өнім берушілерінің әрекеттеріне байланысты сатып алу туралы шартты орындау мерзімін ұлғайту бөлігінде жүзеге асырылады. Осы тармақшада көзделген сатып алу туралы шартты орындау мерзімдерін ұлғайту жағдайлары сатып алу туралы шартқа қосымша тиісті келісімдерді жасағанға дейін құжаттамалық расталуы тиіс;

6) оларға табиғи монополиялар салаларында және реттелетін нарықтарда басшылықты жүзеге асыратын мемлекеттік орган белгілеген баға шегінде мемлекеттік реттеу белгіленетін тауар бірлігі үшін бағаның өзгеруі бөлігінде жүзеге асырылады.

132. Сатып алу туралы шартқа енгізілетін өзгерістер мен толықтырулар қосымша келісіммен ресімделеді және оның ажырамас бөлігі болып табылады.

Ереже Қамқоршылық кеңестің 2014 жылғы 30 наурыздағы № 14 шешіміне сәйкес 132-1 тармағымен толықтырылды

132-1 Үзіліссіз қызметті қамтамасыз ету мақсатында тапсырыс беруші тауарларды, жұмыстарды, қызметтерді сатып алу туралы шарттың

қолданылуын тапсырыс берушінің атқарушы органы бекіткен тізбе бойынша өткен жылдың сол тоқсанында пайдаланылған осындай тауарлардың, жұмыстардың, қызметтердің көлемінен аспайтын көлемде бір тоқсанға ұзартуға құқылы.

133. Қазақстан Республикасы заңнамасының талаптарын ескере отырып, өнім беруші ұсынатын нысанда сатып алу туралы шартты ресімдеуге рұқсат етіледі.

13. Сатып алу туралы шартты орындау

134. Сатып алу туралы шартты орындау Қазақстан Республикасының азаматтық заңнамасына, тапсырыс берушінің шарттарды дайындауды, жасау мен орындауды регламенттейтін Қағидалары мен ішкі құжатына сәйкес жүзеге асырылады.

135. Өнім беруші сатып алу туралы шарт бойынша міндеттемелерін орындамаған немесе толық орындамаған жағдайда, тапсырыс беруші сатып алу туралы енгізілген шартты орындауды қамтамасыз етуді және/немесе алдын ала төлем/аванс сомасына сатып алу туралы шартты орындауды қамтамасыз етуді ұстап қалады.

14. Қосымша ережелер

136. Сатып алу мәселелері бойынша уәкілетті орган:

1) сатып алу мәселелері бойынша әдістемелік басшылықты жүзеге асырады;

2) әлеуетті өнім берушілердің (өнім берушілердің) жазбаша өтінімдері мен шағымдарын қарайды;

3) «Назарбаев Университеті» ұйымынан қажетті құжаттарды, есептерді, анықтамаларды, оның ішінде әлеуетті өнім берушілердің (жеткізушілердің) шағымдарын қарау үшін қажеттерін сұрайды;

4) әлеуетті өнім берушілердің (жеткізушілердің) жазбаша өтінімдері мен шағымдарын қарау қорытындылары бойынша «Назарбаев Университеті» ұйымының басшылығына сатып алу саласында қажетті шараларды қабылдау бойынша ұсыныстар мен ұсынымдарды жібереді;

5) сатып алу саласында ақпараттық жүйелерді әзірлеу мен енгізуге қатысады;

6) қажеттілігіне қарай, сатып алу саласында «Назарбаев Университеті» ұйымдарында берілген сатып алу туралы есепті деректердің, материалдар мен ақпараттардың шынайылығын тексереді;

7) Сенімсіз әлеуетті өнім берушілердің (өнім берушілердің) тізбесін қалыптастырады және жүргізеді;

8) тармақшаға Қамқоршылық кеңестің 2012 жылғы 12 қарашадағы № 7 шешіміне сәйкес өзгерістер енгізілді (ескі ред. кара)

8) «Назарбаев Университеті» ұйымдарында сатып алу саласындағы Ережелер мен ішкі құжаттар талаптарының сақталуына бақылау іс-

шараларын жүргізуге құқылы.

138. Әлеуетті өнім берушілер Қазақстан Республикасының заңнамасына сәйкес тендерлік, сараптама комиссиясының мүшелерін (сарапшыны) қоса алғанда, тапсырыс беруші, сатып алуды ұйымдастырушы, сондай-ақ өзге де тұлғалар қабылдайтын әрекеттер мен шешімдерге шағымдануға құқылы.

139. Ереженің 8-тармағына сәйкес олар қабылдаған сатып алуды жүзеге асырудан бас тарту туралы тапсырыс берушінің шешімі шағым жасауға жатпайды.

15. Қорытынды ережелер

140. Ережені қолданысқа енгізгенге дейін басталған (жарияланған) сатып алу рәсімдері сатып алу туралы шешім қабылданған күнге дейін қолданылған Директорлар кеңесінің 2010 жылғы 19 ақпандағы № 5 шешімімен бекітілген «Назарбаев Университеті» акционерлік қоғамы және акцияларының (қатысу үлестерінің) елу және одан астам пайызы тікелей немесе жанама түрде «Назарбаев Университеті» акционерлік қоғамына тиесілі ұйымдар жүзеге асыратын Тауарларды, жұмыстарды, қызметтерді сатып алу ережесіне (бұдан әрі – Сатып алу ережесі), «Назарбаев Университеті» жеке мекемелері жүзеге асыратын Тауарларды, жұмыстарды, қызметтерді сатып алу ережесіне, «Қазақстан Республикасы Үкіметі жанындағы Ұлттық талдамалық орталық» акционерлік қоғамы жүзеге асыратын Тауарларды, жұмыстарды, қызметтерді сатып алу ережесіне сәйкес жүзеге асырылады.

141. «Ұлттық медициналық холдинг» акционерлік қоғамы мен оның еншілес және/немесе тәуелді ұйымдарының тауарларды, жұмыстарды, қызметтерді сатып алуды жүзеге асыруы «Ұлттық медициналық холдинг» акционерлік қоғамын Қазақстан Республикасы Үкіметінің 2011 жылғы 6 сәуірдегі № 376 қаулысымен бекітілген ұлттық басқарушы холдингтер, ұлттық холдингтер, ұлттық компаниялар тізбесінен (бұдан әрі – тізбе) шығарылғанға дейін Сатып алу ережесінің нормаларымен регламенттеледі. Көрсетілген тізбеден «Ұлттық медициналық холдинг» акционерлік қоғамы шығарылғаннан кейін Сатып алу ережесі күшін жояды.